

景
文
集
八









景
文
集
八

宋祁撰



中華書局



景文集卷四十六

記

壽州風俗記〔案〕祁知壽州在慶
歷元年記作于次年

壽州古揚州之偏。本治壽春。于天文直星紀。春秋世名蓼六者。後爲楚所并。及戰國。楚卒徙都。更曰郢。秦號九江郡。項氏始爲國。王其愛將英布。漢名淮南。以封子厲王。國除。復爲郡。三國時。南切吳。魏以爲邊。號淮南郡。江左北拒胡。晉以爲邊。號南豫州。逮齊梁。嘗宿戍防。魏周爲揚州。隋唐爲今名。或爲壽春郡。唐季。僞吳盜據茲地。私號清淮軍。後唐僞置忠正軍節度。周世宗克淮南。遷治潁之下蔡。因以下蔡節度領。自正陽撤浮桁屬之。州南夾隄樹譙。遂爲勝鎮。真宗泊上之在藩也。又啟封焉。美名華區。故爲淮南第一。縣曰下蔡。曰壽春。曰霍丘。曰安豐。曰六安。地橫狹而縱脩。東抵濠百里。旁值廬百里。而廬南距舒五百里。斜觸光三百五十里。而近西壓潁五十里。北抵亳百有二十里。近者在舍。隅負宿三十里。而易。籍戶。主客九萬有畸。生齒倍之。賦租以斛計者歲二十萬。以緡者四之一。絢。兩計者三十萬。匹端者八之一。沿賦雜計上千百計。故輸入都內壽爲多。土塗泥。田下下。策之禹書。二男五女。畜宜鳥獸。職之周官。家巫史。重淫祀。性躁氣果。紀之史志。諗于方俗。逮今猶然。厥貢三種。惟櫟。米。魚。魚爲大官盛味。茗場凡三。曰開順。麻步。霍。

山歲權無慮三萬鈞。坐居行齋。率千金以算其利不費。民又時時盜賣。吏緩之則輕犯法。急之則窮爲椎埋。株送唯類不容獄。故掌理者分院左右。乃勝其煩。鎮山曰八公。大別。霍霍爲獄帝。下祠八公。往往得金。詫曰劉安所遺。由霍而外。甌嶧岑羅。迤麓崇岡。奔沓相聯。猶肱臂然。材章竹簡。刊伐蓄翳。連千樹而下。衍給旁郡。食夥產茂。四方游惰多隱處焉。搏掩痕圖。輕死亡命。故候邏者常以逮捕爲負。其川曰淝。潁。洛。淝。豐。率淝而往。潁。澮。汧。廩。汧。集。灤。淳。浸。灌。相交。如輸脈然。卒皆入于淮。淮行六百二十里。而東。淵隈頗產蠙珠。民亦取之。雖得不償所費。其大陂曰芍。古管漑百萬畝。淝水注焉。漢置陂官。歲廩月淤。吏不能治。今漑溉五十萬畝。寶隄爲三十六門。均出與入。各有後先。白芍而下。峙庸鍾潦。醴而漑之。不能以名達者。又數十處。當旱而霖。訖無凶年。稻粳甘精。南方之冠。下則芟芟蒲麥。擱留魚鼈。亦無飢人。越紵縑絲。金鐵匏革。會南北之交市。率征之。非泉四千萬。酒數千釀。分肆開墟。幹八千萬。漕鹽六萬石。直十千萬。故其俗侈快。剽輕。皆情相夸。農與賈參。迭爲并兼。少師儒。不甚官學。亦利使然也。務叢法弛。守亟遷。吏頗怵爲訐欺。自天聖初元。訖茲二十歲。凡易守者二十一。旁緣舊新。玩敝科禁。斷簿辟名。賂謝交臂。稽故滑紛。恬不爲嫌。非長人皆不能。吏蠲資惡政使然也。嗚呼。害吾治者。果在官數易歟。龍集辛巳。予以病自乞。實來此邦。越明年。病稍愈。因得推畧舊聞。牘驗今事。而著之篇。以示後人。噫。予誠慙愚。上若不忍加誅。使治壽也。及三年。可使知教。與夫傳遽閱人。則爲之猶賢乎已。慶歷二年夏五月。袁次。

秀州重修鼓角樓記

景祐元年夏四月，嘉興郡新作臺門。書時且言功也。越翌日，掾屬邦人從二千石南陽葉君道卿陟降而達觀之。醕酒大會，以修饗禮成。率籲牆進願，以更張經始。及悅以使，成勿亟之。能咨春秋之徒，善鼓其狀，發聞馨香，與石皆泐。君抑不止，乃繪圖以諗予。且俾列其崖畧。秀故蘇屬邑也。錢氏王二瀾，欲侈地以自張，始建爲州。國朝因焉。然而餽漕走集，貨賫遷引，事叢政厖，地劇官勤，一都會之不若也。先是，寺署本于霸朝。因時之汙，以陋自恃。嚴扉弗閱，液材將壓。後之長人者，姑重改作，苟完僅庇而已。歲直癸酉，今上躬攬威柄，用甘露黃龍故事，高選牧守。嘉靖方國子，是太守九江龐君，醕之以治有異等，入視行馬內事，而以君代之。君因其化條，遂用不變。居者弗極流者，百占已耳。乃卒歲大穰，如銷金揉木，無時月之累，以仁繼賢故也。初，龐君旣以郡儀不稱，而懷必養之慮，且憚傷財而勤民也。因上言郡有樵庠，斥賈千緡，願權奇贏，將助興作。實被可報，未克僱工。君之至，則檢結故符，以成龐志。揆日力，計徒庸，易彼將壞，成我大壯。乃廣麗譙，以冠牙門。乃挾修宇，以華游觀。飛軒旁注，夷道在下。其內則大敞重廡，夾植綺蘭，層廈纒連，雙廡翼張，廣豁靜深。乃至黃堂，其制大，可以重威。其度高，可以臨下。閒民窮隸，于是乎督之。故夫家不煩，羨材積草，于是乎用之。故虞衡不勞，役興仲冬。跨三時而畢，初樵賈不足以償費。又出庫錢續之，率用三百萬。樓成，及左右宇若干楹。內屏聯屬若干楹。有因有創，如君之素。儲鼓角于樓，以節曉昏。列榮幡于

屏以雄矩儀。管籥常于斯。憲令常于斯。開闔有宜。誰何有禁。入騎不隄。出車不擊。千里奔走。四隣表則。議者謂斯舉也。不專于詩之攷室。禮之修鍵。所以備邦制而虔君命。變則通。通則久焉。噫。以道卿之敏秀而文。洵直而方。由諸生。取峻科。入道山。籍治朝。其所履踐。皆沛如桑林。鏗若黃鍾。含章慮善。以先王國。今又興輪奐于官下。樹藝極于吏師。導物忠厚。洗人愁嘆。陟狀此功。爲東南第一。號君子者。故不器歟。昔漢武帝時。惟董仲舒。公孫宏。倪寬。居官可紀。三人皆儒者。以經術緣飾吏事。後孫與倪皆至三公。則醕之之居于前。道卿之繼于後。今日之政。異時之仕。合儒林循吏而兼得之。爲天子所器。可前知矣。予泊伯氏。與道卿聯仕牒。竝直廬。知之也深。姑因落成之日。遂推雅行之美。且塞秀人之勤請云。謹記。

山東德州重修鼓角樓記

明道元年。清河張君以尙書曹員外。佩二千石印綬。來莅州事。君之下車也。以縣官詔書慰安元元。事無尤違。獄無頗類。吏不諉官。軍不怠農。曩之捐瘠富而教。嚮之愁嘆歌且舞。五月報成。邦人宜之。于是攷前守之遺廬。興公家之長利。細大貫行。各有後先。惟時州門因陋且久。風雨弛其梓棟。塵塲漶其丹堊。衆謀不輯。憚于改爲。君喟曰。吏民之師也。居處位署。所宜有制。況四邦結轍。萬夫屬目。禮容不稱。其謂我何。姑欲因舊謀新。規照蕃屏。豐不至侈。則統上之尊。儉不至偪。則容下之差。目以成心。發以知智。乃倅而圖。上下協從。長度員程。無虛役要。材取羨木。力課冗兵。增庠以崇。易朽以堅。桓桂林植。長梁虹亘。限以重扃。列

麗翼以飛。闌曲楯卽之。奐如望之。輦如其板言言。其度耽耽。層光晝激。虛景夜熠。邪繚睨牖。下敞嚴扉。僊工樂勸。悉如其素。揭州榜于前廡。仍舊常也。列鼓角于中楹。雄聲氣也。州人駭觀。突僚奔走。乃大和會。從君落成。中飲紀綱。賀且稱曰。在周建侯有都。在漢置守有兵。今之爲州。咸統軍事。故飾軒城。義脩曲沿。臺門之遺象。奏鳴鐘。謹磬鼓。本司馬之成法。況我邦北控戎索。上直天街。財雄地劇。爲千里表率。而歸然謙觀。久不能興。數闔枚過。爲諸侯笑。逮君之至。更張勿亟。人鮮克舉。遂優爲之。旣麗且雄。我君攸濟。君乎永年。其增如陴。君且受福。其積如茨。未幾。天子修復舊章。卽拜君本路詳刑使者。掾屬鬱陶詠嘆。僉謂成功不可以不紀。以僕職在東觀。悉哀沿改之勩。願刻金石。盡信其傳。謹按君爲州之明年。營新樓。役且百人。興正月止四月。樓成。東西八筵有奇。南北三丈而贏。雉堞高顯。率皆稱是。謹始以書時。褒君以不名。用古陽秋之法也。後二年記成。甫刊勒云。謹記。

壽州重修浮橋記

壽有大桁。昔在正陽。造舟相銜。道北趨南。在周世宗克伐僞吳。桁移下蔡。實濟師徒。壽破之年。州亦北遷。夾淮而城。橋亘其間。於顯是州。民穰貨豐。穀擊蹏奔。日月其僮。長纜蜿蜒。以鑣大臚。臚自溫來。竹以靳轡。官列戍徒。晝護夜呵。一日而闕。則留于行。慶歷之元。予來守藩。庀司急營。橋敝不完。版罅柄脫。陷落是虞。客馬頓鞅。民乘徐驅。予咨于寮。按案舊章。檄發庫錢。布材六安。下令于冬。材集以春。百梓盤盤。泛溜而臻。

是鏐是斤。疏爲千章。密貫緞聯。壓柞扶持。舟牢索堅。坦爲夷塗。虹亘蛇中。川怪畏潛。旅行相歡。無念阻艱。波搖瀾春。晷日焦風。不能爲損。吾新厥功。先時邏兵。纔數十人。老疲瘠情。不克微巡。予視臺符。滿百爲率。敕吏如律。事焉肅給。榜成舉觴。徧勞屬官。匪予之力。實惟衆勤。清淮湯湯。斯梁與存。嗣茲不忘。以諗後人。明年後九月。乃刻記于石。

泗州重修水竇牕記

景祐二年。泗上守清河張君。繕防城域。旣彌水患。部刺史交章言狀。治在異等。帝庸嘉之。榮勞增秩。未幾。又以江南漕使之節。畀卽受焉。駢牡焜煌。改轅而東。泗人鬱陶以嘆。僉謂君有大造于我邦。式克還定。鉅功細役。咸有方畧。榮焉可記。雖嚮之建臺門。增治署。集賢南陽葉君道卿。前述其概。聯長隄。捍怒流。尙書外郎武功蘇君儀甫。嗣褒其最。瑤刻相望。驛聲無窮。而水竇牕。惟新底績。忽而不記。則後之人。無以知君精心長利。推行彌密者已。乃咨余求文。以信其傳。州內舊有支渠。受水流惡。股引回注。放于外隄。穴壩爲空。植木如櫺。內水方淹。則導焉以恣其出。外水或暴。則築焉以遏其入。由是無麴窮之困。無重臄之疾。元年。淮汴合漲。留隄傳。乘四竇之久敝。入墊區舍。君舉委執扑。親督其役。培薄增庫。僅勝厥災。及水復舊道。君曰。吾知防禦之要矣。明年。遂議改作。撤壤之朽。易餽之苦。規以墨文。臬其高下。更鑄石千枚。代木作櫺。并固竇門。連甃十六萬。以護溝洫。課員二十六。以總役要。月再朔而功告成。由是視漚無阻流。涉塗無停。

潦矣。其夏水復汎溢。幾高民屋。而新隄蟠如。新竇呀如。三老序長。或持一秉蒿焉。或操一簣土焉。據堅室要。守有餘壯。水留十二日而去。民皆按堵。有備故也。禮仲春達溝渠。利隄防。以時儆人。思召公之風。愛所憇之棠。春秋有所褒者。其文繁而不殺。若張君補弊圖久。克勤小物。合乎禮之時儆。邦人受君之賜。不忘刊美。訂乎詩之愛樹。是美也。由君以勤民得之。異乎人之求之也。予敢不申二君之餘詠。哀傭工之纖悉。用春秋不殺之義乎。噫。繼而共治者。嘉作竇之勞。勿替而引之。可也。明年爲記。乃刊石云。

許縣長葛縣尉廳壁記

甚盛德之世。宵人不能不爲盜。盜之發。椎埋搏掩。間不逞。亂齊民。事微敵脆。郡縣可捕。尉之所由置也。郡有縣。縣別一員。煩之以使。驗其能。薄之以庠。嘗其廉。迫之以患。觀其畧。尉之所由選也。當選之之慎。達置之之本。惟才且邵者能之。安定胡君穆侯。其人已陪京之南。許大而雄。三輔事穰。五方俗雜。長葛之邑。連薨數萬室。宿兵十九營。民狡而貪。法抗且敵。富者易于訟。而貧者輕爲盜。振邏日尋。卒淵不哀。君之來也。狹私而泰于公。急吏而舒于民。獎勤而勉其惰。延而耆老。問以疾苦。于是良農得職。疲民懋力。銖兩之姦。無所容。囊橐之擅。無所私。主名區處。發而輒得。閭境閒閒。易懼以安。里長休于閭。游徼偃于亭。一年而畏。二年而愛。三年而思。其所以感動人心者。從可知矣。先是君之來也。舊邑卜遷。官罔暇給。尉之位署。經始新邦。君祇具簡書。檢以藝極。一簣土。一秉杆。不賦于民。悉仰于官。撤舊屋。圖新構。乃敞斯庭。喁而崇。乃安。

斯寢。燭而容。翼其廡以處吏。謹其庫以藏甲。茲成之日。人不知勞。春秋之徒。善則書。不善亦書。所以與正而譏失也。若君屬役之夥。乘政之涼。由小官圖遠績。承上不諂。撫下不攜。可謂因其時而善于職矣。此而不紀。爲能者何。且會君之見咨。是用列其行。書之屋壁。旣不能紀遠登此堂者。願自胡君始焉。

凝碧堂記

會稽謝炳宗作尉之明年。創予堂于署南。榜曰凝碧。託始焉。且志地也。堂之大畧。聞炳宗之言。予能紀之。陽廡憑高。則羣峯橫羅。晨暉暝霞。從日蔽虧。周阿溯遠。則哇瀛環瀉。雲濤雪瀨。與天上下。鶴鵲啼呼。鱣鯉噉嚼。荏苒沿緣于涯浚。檉楊漫衍于洲步。野翠不歸。水煙自留。此其因天以護勝也。春英旣蕃。丹紫相妍。則薄采乎戶外。秋條旣腓。稿籟相悲。則屬聽乎坐右。或冷颼晝泛。或陰暉夜流。炳宗于是挈勝衿。簪良朋。壺觴侑前。肴核旅右。曠望吟嘯。軒然謝客。中休天倪。外忘世纓。一樹一草。皆可攀藉。此因人以護勝也。天勝者不營而成。人勝者有待而名。使二勝交相濟。非智且材。孰兼得之。由堂而觀炳宗之爲。則智且材果不得讓已。炳宗再上書闕下。位不克奮。而剛健自強之蘊。無所發舒。故寓見乎觀游奧阼之間。予知異時立功。猶今茲之目巧也。其面勢纖悉。猶有諸公之詩。索言之時。寶元二年。後十二月爲記。

重修彭祖燕子樓記

景祐二年。丞相隴西公。以大司寇殿徐方。瑞節兵璋。東雄諸侯。公旣來戾。而三老耆艾。更相慶告。昔公初

儀實監我州。階是而往。遂勤王室。寅亮謨明。辰階以平。距三十年。竭來作屏人一所。天我且二之。噢咻保障。邦人攸宜。願相約勅。無拂公虛。俾公陽休。克城而適。于是閭境聞風。薰然交頷。吏肅于局。師和于屯。政成事輯。西驛騰報。公曰。官責舒矣。姑逸無勞。乃達觀署居。寢眺城隅。歸焉二樓。聯冠州雉。直良陬者曰彭祖。占坎方者曰燕子。問所容度。凡百步而贏。厥初僉功。因樸成隘。丹雘歲近。渙而不鮮。公弭節久之。心陋其制。若曰。此焉憚改。是春秋無以衍吾屬。而望吾氣焉。指定于頤。揆日丕作。崇庠撤敞。化爲高明。收虞衡之羨材。賈隸徒之羣力。增增皆觀。弗勤弗亟。迭奐竝輪。與新偕來。爾乃陽榮南舒。負爲虛檻。則席焉可裘。丈陰軒北敞。環爲飛檻。則目焉可眺。遠遡空蟠。高快惔異儀。由左而右。厥制如一。近之。則泗汴二流。素波相受。趨遏激堆。汨滴淪淪之奇。呈露于廡下。遠之。則黃楚衆山。翠嶺爭長。舒霞逗景。合沓奔騰之狀。進列于階次。臺風徐生。棟雲自逝。萬妍紛至。一瞬可悉。然而丞相落成于斯。合飲于斯。又有屬焉。覽乎鮮原。則農之蠶勤是詢。俯乎囂閭。則工之苦良是察。間旅籩豆。則賓之威儀是式。延玩草樹。則土之腴瘠是啓。至于良辰賞心。發幽儲粹。憑囑虛沈。坐陶天倪。可以適涼溫。寧支體者。公不專焉。徐人是以知公之光輔二君。昭明顯庸者。推是心而已矣。則又謀曰。公之忠利仁愛。及物也深。一日趣舍人裝辦。入毗天子。則所憩所爰。尙將愛而歌之。況麗譙改爲。胡可弗紀。明年幕府真狀。屬史官以索文。謹按樓之賦名尙矣。或以地或以事。公卽而用之。紀方言而著實也。面勢所審。衡從所底。仍初者畧而不書。惟是牆屋之完。棟宇之壯。

役靡淹時。令出子來。可以足言貽後者。則詩之革而飛者歟。禮之發而智者歟。

安州景福寺重修鐘樓記

聞夫世雄撫運。親列衆德之本。故員實之相形焉。能仁示滅。載昭夜景之鑒。故像未之教興焉。若乃大事之緣。由應感而出現。無邊之衆。習蒙薰而歸向。宅寶坊之勢勝。當導師之提唱。撤舊以更始。惟新而是圖。堂堂厥謀。鮮哉希矣。是郡也。踞中息之孔道。掩荆漢之奧殖。祀無淫昏之鬼。俗躋仁壽之域。漢網疏而不犯。堯民比而可封。欽奉珍祠。樂聞真諦。赤髭之侶。若稻竹而杳臻。堅材之施。譬輪輅而繼作。聽神由是來舍。紺宇于焉纒屬。卽景福寺。今爲郡之大招提也。而通莊之四達。壓城圖之一面。綿寶勢以盤踞。抗飛榮而靜深。煙寬上迴。龍天拱衛。且近西偏。以建靜塔。直東位以創廚基。引千鈞之洪鐘。締百尋之彫閣。營繕雖廣。制度未隆。祥符末祿。洪霖繼臻。客土彌惡。屋瓦斯墜。弊誤昆陽之飛。隆棟旣顛。幾同大過之橈。子產懷將仆之懼。叔孫垂必苴之謀。誰其興之。則智元法師其人也。惟師雅志勇猛。深衷懇到。顧廚構之將壞。懼清衆之闕譬。卽與旦旦之誓。前諭旒旒之徒。大願躋格。至誠充洽。于是徧詣豪舉。旁詢耆德。周求畝首之富。下逮賈區之微。潛發一言。皆應千里。羣心率籲。譬取瓊而不疵。喜捨相先。同在陰而皆和。涓曰旣吉。選工旣良。瓊材四湊。踰千章之多。密石載興。盡一拳之介。郢斤投地。巧無蠅翼之傷。睢杵節音。雜若魚鱗之襲。晉臣之璧皆運。漢帝之陶在茲。因其曩基。煥以新構。鳩倅不已。妙勤成盡。起敦牂之始歲。逮沿灘之

有秋。功惟告成。事不愆素。爾其屑檐錯繡。飛宇凌虛。逸倒景而上干。負陰虬而叢倚。行月納題而徐邁。流星奔園而下視。鏤文木以裁檻。鏤寶金而綴鈴。朝暾麗乎掇彤。晴煙生乎縹碧。黑白仰止。厯三休而後至。殿閣交映。悅諸天而一同。輪焉奐焉。不可殫述者已。先是。樓之改造也。遷鐘于別所。至是。撫萬楹之高宇。陳兩轡之茂器。峭格挺立。猛簾蕭施。鳳皇之形。虛中而達遙速。春容之謂。居高而聽彌遠。叩大叩小。警晨暮于六時。不櫛不窳。助聲聞于三昧。固以輝映神壤。覺悟含靈。雜霜乳之相鳴。應洛銅而顯發。惡魔屏去。寂默而成道場。檀施雄成。音聲以爲佛事。由茲利益。其可誣哉。若夫靡初克終。詩之所貴也。樂成慮始。史之甚憚也。有若元師挺精一之志。當體大之業。指白水以示信。注黃金而不昏。百舍載馳。靡辭于重趼。一簣斯進。乃至于成山。輾纖芥以相投。斬緌絲而靡結。可謂有初而慮始矣。日月之所遷引。毫釐之所稟合。斯千之百堵皆作。靈臺之不日告成。儼名輦而若翔。屹華鯨而斯叩。山積累以成大。俾勝利之現前。可謂克終而樂成矣。不如是者。棄非九仞。難免孟軻之譏。作舍三年。或抵漢人之誚。宜乎圖不朽之績。續無量之壽。宣六種以震動。爲三有之歸投。使夫登是樓者。知化城之所及。之非遙。衍法之輪。轉而不廢。聞是鐘者。知金之出續。無復重爲。聲之度垣。何可有礙。靈心發于欣助。諸方極其讚歎。故當刻鏤螭琰。焜耀難園。珍地側金。配魯靈而長在。大音震物。與仙石以同漸。而予潤事靡工。落新無取。挾澗流而甫爾。恐綺語以自貽。非敢傳之方來。聊用謹其歲月云爾。

放生池記

古者土爰發。厥人于是講罔罟。作蠡莖。以供祀事。水蟲孕。澤虞于是禁鯢鮪。殺竿累。以廣華育。中孚先豚魚之吉。風人美鰈鰒之多。太平之世。則取之有時。四靈爲畜。則用而不浚。鳥獸咸若。草木允殖。而萬物莫不衆矣。大江之南。水物惟錯。汗庫鍾美。雲雨興利。民就蒲贏。取蟲蜺。蜋蠃之捕日繁。鰕鮑之釣家至。禁令寢玩。川縑中貧。聖上初元之二年。詔立放生池于郡國。先是州城邪界。稻水彌望。鱗品聳聳。芼實紛駢。沆漭淡漭。滄淪深如。過風無損。印浦茲大。挺叉沈餌。此焉攸處。由是守臣下教。林鮫謹職。盡籍其地。斥而營之。隅立桓柱。連亘簾落。深極九仞。廣袤百弓。時梁罔施。數罟不入。乘秋水兩厓之至。殆鯢桓九名之淵。植物斯生。動物斯止。有頌其首。有幸其尾。罔罔亟縱。無子產校人之欺。激激出游。全莊生濠上之樂。若夫大道宰世。自見而推隱。至仁根心。因細而形大。愛乎萬物。乃譬于芻狗。憫其死地。何擇于牛羊。未有遠乎潛物而近道吾民。重惜物生而輕用邦力。是薪輿不煩秋毫之察。折枝有異挾山之爲者矣。上聖之旨。豈不深哉。與其童山林。暴天物。魯侯泗淵之濫。斷罟致言。武皇滄海之徂。巨魚不出。叵同年而記已。僕親逢聖旦。復耳清詔。詎銜吾黨斐然之作。姑贊有虞好生之德云爾。時年月記。

衡山福嚴禪院二泉記

陳有大士曰慧。思得佛法要。始倡而南。乃舍岫嶺之墟。圖揆厥居。黑白其徒。褰裳景從。山阿土厚。汲以勤

苦師曰。吾當食此。神必我相。引仗刺地。靈液仰流。浮滴滲漉。更澀競注。樵焉熱惱。益爲清涼。久之。大比丘衆陰計曰。有生濯漚。庸可以已。俄有猛獸。導師踰嶺。攫崖哮闕。檻泉隨之。由是華清交蟠。內周外給。禪和便安。道風流行。乃宇爲大蘭若。師已寂滅。其徒神之。因名二泉曰卓錫。曰虎跑。所以震顯冥符。收攝信源者。惟卓錫距堂下。深之十扶。其廣八之五。這而不流。凡淪者烹者飪者著者取焉。香以甘故也。虎跑直寺西。廣之五咫。其深四之三。淩而爲沱。剝木函溜。行二千尺。股分脈散。環像館。歷齋房。經廚軒。竝中園。線浴廡。逗厠舍。然後淙而出之。注乎下田。凡滴者漱者浸者取焉。寒以潔故也。若乃溯陽弗泮。值陰弗涸。旱焉益深。潦焉益澄。十缶縞之不加餘。千壘挹之不加耗。齋淪澹淡。蓋源而不委者耶。嗚呼。斯人斯泉。寧獨煩流惡而止矣。亦將昭含天解。覺寤斯人歟。吾聞法有譬喻。請借泉爲喻。夫不鑿而浪似頓。澄焉自如似定。受垢弗辭似廣。兼利不言似慈。接物以廣。畜衆以定。息照以頓。卽心推而衍之。使自求之。彼挈然而來者。洒然而反。則師之志庶乎幾矣。今大長老省賢。後師四百載。又嗣其位。荷擔惠命。光照前人。周案顯跡。欽如神對。巧文紀實。與此泉偕。余不敏。姑摭前載。以竄今事。款之茲山。時慶歷紀元之初年月日記。

復州乾明禪院記

或稱離一切相。是之謂法。依十方佛。是之謂宗。予曰不也。夫舍妄求真。必有二體。擯外修內。則立中間。是擾擾之羣生。執種種之差別。棄大海之水。誤認一漚。舍如意之珠。更求至寶。乃有三僧祇之辛苦。五濁惡

之流浪。無縛求解。捏口取華。由是能仁憫憐。正眼提唱。法無可得。而名說法。言雖終日。而未嘗言。不自階升。徑躋補處。自迦文滅度。後二十八祖。而茲土傳教。達磨滅度。後二百餘年。而信衣不傳。雲雷普聞。子孫繁盛。法集禪叢之窟。徧天下矣。復州者。提江漢之北望。古曰景陵郡。乾明院者。直譙門之東趣。唐爲開元寺。會昌之難。翦焉荆棘。劫火沈燼。山靈見鞭。像法中興。改題院額。祀不失物。益作四事之嚴。天定勝人。復會六合之衆。然或外請尊者。以號住持。或卽付上首。以爲傳襲。教失厥序。人有其私。金注益殫。但取小乘之愛。非飲相擇。寢驟大事之緣。運之少還。物乃傾否。天禧中。比部員外郎邢若思來領州事。因曰。勝地。久爲人廢。乃率郡之大檀越。及比丘衆。奉公檄詣鄂州靈竹院。請今長老契穩。以尸之。惟師逗西竺之上機。紹法眼之昆裔。純熟衆德。摧伏羣魔。應以有情。旣詣寶所。至上之日。黑白和會。露味灌洒。象王蹴踏。曾未非月。學徒至者。蓋百餘人。猶草之得陽春。如子之和鳴鶴。修復頽範。太興厝構。乃有五臺僧澄岸。造僧堂。攝州司馬李遠。向禮建三門行廡。長沙僧智亮。作浴室。州校陳釗。跨波爲橋亭。不出十年。遂臻考室。或施環絡。或散香花。園公布金。海上鬻什器帷帳。罔不周給。千楹贊注。類天宮之化成。百寶莊嚴。疑地神之通現。師之功德。可思議之哉。夫有爲之謂緣。利他之謂廣。無來去之謂妙。卽心佛之謂頓。閱裏四者。而不見其用之謂第一義。彼上人者。其庶幾焉。宜其爲巨海之舟航。大方之牖墮者已。師以僕嘗任州幕。具知勝因。列狀載勒。刻識爲託。且欲令後付囑者。不私于己。其以吾爲茲院之初祖也。矧國有著令。來者得不

信受奉行之時年月日記

西齋休偃記

夫坐蓺澤樂閒處。遁世者能之。近湫隘。不易宅。有德者能之。若吾人者。漫漶塵容。嬰絡世網。進無腹背之用。退有韁鎖之名。鑿繁喪真。注重增拙。非得蕭散之地。休偃之樂。則何以胖勤體。旺勞神。徜徉日出。專氣閭實。入寥天之域哉。自予游都城。官太學。官最閒。外就私舍。濱蔡漕。地尤岑寂。居有西齋。因得爲畸人休景之地。先是。軒豁其南。以爲堂庭。前人多以竹樹雜藝左右。復有二夾廡。用貯陳書。十許篋。每令辰歸沐。輿直番休。脫幘褫巾。箕坐自縱。或冷風暫至。則竅者穴者。槁者條者。蕭然竝籟。翔瞰旣華。則穆者挺者。蒼者缺者。雜然布陰。于是內捷暫祛。外喧不入。呻黃卷。據藜牀。兀乎標枝。澹乎深淵。目睇飛鴻。心遡歸雲。遽遽適適。不知周粟之薄。顏閭之陋也。昔人以名教中自有樂地。寧欺我哉。況今叢雲在辰。羣雋如植。巧者進取。拙者低伏。理所宜也。予故拙矣。安不爾思。就令勉倜侗之姿。希馳騫之轍。而車馬官位。不能動人。色絀舌喑。趨步踽踽。不過骯髒門外。得家丞一謝耳。又何能請問關說。及天下事哉。昔仁者攸居。著里端而爲美。愚公所處。并谷名而遂移。予上方旣慙。下比何愧。尙恨非吾土者。不爾當以樸拙名齋。

君山養猿記

猿與沐猴。類同而種別。沐猴躁動。好騰倚挽裂。詭故百情。韓生曰。沐猴而冠。故教猱升木。詩人著焉。猿性

靜介。善吟嘯。能通臂。亦善緣木。昭王南征。君子化焉。世人多言沐猴畏猿。每曼音啼嘯。羣猴皆累息不敢動。則猿與猴果非一種矣。巴陵有君山。在洞庭之中。巖然可居者。地方百里。浮屠氏之徒坊舍其上。地宜橘柚茅栗。居人採給焉。然山多沐猴。每八九月時。則百十爲羣。攘鈔挽斃林果幾盡。居人苦之。會舟賈于巴中。得一猿。體趨而雄。山之居人素知沐猴之畏也。因以財厚謝舟賈。致以如山。伺沐猴之來。縱猿以當之。猿初亦柯攀而上。噉然一啼。羣猴稍稍引去。如是日三四來。益狎猿之聲而不登。且恃已衆而驕猿獨也。乃悉引其類。謹猿而逐之。或瓦石抵擲。或條蔓纏縛。猿不勝其憤而逃。猴乃大暴園木而去。鄉人語以相嗤焉。噫。茲山人之不善處物也甚矣。物有以相勝者。寧謂一杯水以救一與薪之燎哉。遽瑗何以得容于衛。屈原何以見逐于楚。皆此志也。

故丞相文正王公碑陰記

故丞相沂國公既葬十二年。仲弟天章閣待制子融請間見上。追歎公據正有守。得宰相體。子融頓首謝。且言臣兄曾事章聖皇帝。與諸生不十年。參總大政。其後拜玉几下。聞顧命。大行詔章獻皇后權軍國大事。于時宰相謂陰開邪謀。規刊權文。營罔中外。衆莫敢抗。獨臣兄毅然不肯移。又欲建白天子朝朔望。太后聽政。附中人通裁可。卽又引東漢故事。請帝太后同視事。僞計不行。方謂譖逐大臣如寇準。李迪等。鉤索株連。以動衆心。臣兄中立其間。爲國督視。隱隱度情。卒不得施。遂用詐敗。太后再受徽號。欲御天安殿。

復奏言止御文德。既忤旨。因災異策免。然太后以數救諫。不能無念。抑畏謙慈。勤翊王家。大業以安。此其事陛下尤彰明較著者。上曰。乃舅之勳。予一人不忘。子融再拜曰。陛下幸詔臣寮。勒詞隧石。誠得天筆篆額。敷賁前人。死骨不朽。勸寵忠門。由臣爲初。制曰可。乃置旌賢碑三字。賜焉。于是天章君卽金石刻。又欲侈上之褒。丐辭殺其末。僕念已嘗誌丞相墓。且翰林銘功其事大畧著矣。獨原夫天子念丞相賢而旌之者。寧不以臨大事不可奪歟。損抑過舉。以絕未萌。而爲之所歟。功格于天。默不自名歟。僕嘗論治亂之機。不容髮。如今丞相當是時。一有假借。則紀律紛更。權迫勢陵。儉人乘之。抵巇投隙。意有所肆。淪胥淫夷。遂蹈後艱。凡列爵幾何。底罰幾何。而後能定。由是觀之。丞相之勳。可以言者其大也。夫陰施之所及廣。則陽德之蒙報顯。故丞相雖賢。待聖人乃明。初。公于天章敦愛甚。而天章奉公也無不至。始丞相未貴時。娶蔡李二夫人。早亡。及貴。謙不封國。天章歲比當遷。輒上書還一官爲二夫人追封。成公志也。至是。又引甲令。建螭首龜趺。丞相之名。由天章益傳。春秋之法。于善善也。長至刻祭。彝銘樂變。皆所以行遠。況珉表之隱然。天文之粲然。披九幽之潛光。奮無窮之休烈。後雖百千歲。拜餘風泣遺直者曰。此賢丞相之隴歟。嗚呼。盛哉。

景文集卷四十七

贊

時雪贊

并狀〔案〕贊詞當屬慶歷三年癸未。祁爲翰林學士時事。但仁宗本紀未載。

右臣伏以自秋迄冬。天久不雨。畝首憔悴。農或嘆愁。皇帝陛下。儲精懇禱。弗遑中叶。盛德震動。霏雪應祈。流凝灑素。煖腐銷解。伏想宸心。卽時歡豫。民猷君體。凱慰同深。臣叨塵從列。竊忭嘉應。不勝踴躍之至。謹作時雪贊一首。凡十韻。韻十六言。推本天意。遂及聖功。語局文褊。無以鋪張光大。輒用繕寫。隨狀上進。以聞。內訟荒斐。伏用戰汗。謹奏。

歲次協洽。惟仲之冬。不雨十旬。有害無農。地房泄蒸。蟄戶弗坏。日赭風熯。窮天漲埃。皇帝曰咨。災或儆予。精禱通神。神與聖符。日在庚辰。先集惟寒。長風北驅。重陰冤延。自蔽而霏。霏霏飛飛。憑雲委華。卽壤流輝。其雨其浮。膏凝液流。縞爾南山。朐我西嶠。惟雪其時。上天降康。逢僭成沴。值德爲祥。爲祥伊何。來歲之宜。根深粒繁。乃京乃坻。拂藹薄溫。納于太和。翦翦勞屯。易歎而歌。旱未及傷。雪也載鬻。皇帝德功。萬年不忘。

魯雨生贊

并序

叔孫通制禮。聘齊魯大儒。不能致者二人。揚子雲稱之。遂爲之贊云。

晚周東弱。孤秦西起。吞滅六國。陰規萬祀。姍古罷侯。挾書下吏。辰光遂殺。天紐潛弛。民籲于天。天祚其聖。夥涉倡亂。卯金受命。珎緯宵聚。彤光夕映。八年之間。四海底定。曰公曰侯。狗盜叛徒。無種而起。有利則趨。拔劍爭競。或號或呼。帝用患之。惟懷永圖。曰叔孫氏。請建其禮。置薊定位。刺經取制。帝曰俞哉。我將其試。無甚高論。俾便其事。粵二先生。比景藏迹。靈龜養志。威鳳覽德。素行玉粹。不猷淵寒。智周萬物。精驚八極。規規稷嗣。以禮來聘。先生謂言。汝一何侯。謾罵不恥。生靈方便。圖興禮樂。是相詬病。稷嗣弗從。謂我改造。良玉蘊山。衆珉入寶。先生不致。孰將順考。漢風四百。終雜霸道。

平津侯東閣贊并序

粵若遂萬物。師百寮。丞相之位至尊也。壹統類。運樞極。丞相之責至重也。眇視振古。藉哉若人。若乃持尊本乎就卑。分重由于借力。借力于賢。則國治。就卑以己。則士集。此平津侯所以開東閣。延天下之俊也。于是漢興七十餘歲矣。制度草創。禮文未脩。上方嚮儒術。絀黃老。議正朔。易服色。郊見上帝。親巡泰山。北探單于。慢書之罪。南誚勁越。不臣之俗。東築穢貊。滄海之郡。西開夜郎。邛犍之道。求非常之人。待不次之位。四方之士。上書街衢者以千數。我侯起白屋。以春秋之義。繩臣下。取漢相。則不得不求賢以自輔也。夫賢至而禮不篤。與不至同。禮篤而用不密。與不禮同。我侯坐閣以賓之。脫粟以食之。悉其奉賜。以給諸公。可謂禮之矣。從容請問。講聞高義。可謂用之矣。是以國家表裏爛焉可睹。天下學士靡然嚮風。耳不殫聽。人

無所隱其聰。目不徧窺。物無所逃其瞭。漢之得士。于斯爲盛。且夫官惟其人。無之則闕。後之宰天下者。爲不少矣。然而專其茵軾。奧其壇宇。門闌呵留。騶呼傳唱。士有願見而不獲。民有赴訴而中止。況求乎歷相府。坐相閣。攘袂以言天下之事乎。故齷齪備員者有之。沾沾多易者有之。褚淵障扇以自蔽。常袞塞門以示威。固其然也。噫。其人存。則其閣立。其人亡。則其閣廢。屈孺孫賀。毀爲廐庫。可勝嘆哉。儒有千載而下。覽乎舊史。嘆東閣之不見也。我見其傳。如人存焉。遂爲贊云。

衆材構廈閣之興。羣賢講治時之明。吁嗟乎平津。棟折榱崩閣之廢。衆士不集時之弊。吁嗟乎平津。

嚴遵字君贊

君平沈冥。賣卜肆中。子以孝言。臣則告忠。日足百錢。閉門著書。十萬餘言。黃老其徒。李軻牧州。喜欲吏君。掛風而慙。嘖語于唇。還謂子雲。子誠知人。九十壽終。聲槩高旻。

蜀郡太守廬江文公贊

天挺耆俊。有德有文。漢天子命。往撫蜀人。蜀始樸蒙。公不謂然。選士詣學。歸相教言。一年而業。三年而儒。五年大成。家詩戶書。以勤和矜。以情相恥。出有教父。入有順子。文如馬揚。節如嚴李。由公教之。聲塞天地。蜀戴公仁。世世奉祠。千五百年。惟公之思。

王褒字子贊

子淵軒軒。洵美有文。宵雅鹿鳴。帝用攸聞。此盛德事。讓不克堪。願聖得賢。戒松喬是耽。以諫大夫。數從幸巡。受詔作賦。持節迎神。未克告猷。少謝良臣。

張寬贊

惟武嗣位。而有荒志。厥德靡升。神不爰祀。嫫然靈媛。止乎渭濱。帝用走咨。何所而人。媛告七車。能爲我言。君稽首對。吾祀弗蠲。帝用謝愆。改聲厥薦。天人之交。自我而見。

宋樞密直學士知益州蔣堂字希贊

蔣侯挺挺。天與嚴方。健而文明。不逢不將。在始蜀人。政未及孚。纖者嫉侯。膏吻騰誣。侯政已孚。蜀人熙熙。侯坐徙官。遠近驚咨。侯始興學。紹文之餘。百堵增增。大度厥居。髦俊聿來。晝經夜史。盎然西南。號多君子。侯旣去州。右區卽毀。侯惠在人。已膚而髓。子產和鄭。先謗後歌。來世視之。謂侯如何。

蜀人李仲元贊并序

內發乎天光。外隱乎人曜。古之道術有在于是者。先生聞其風而悅之。境乎太虛。鄉乎何有。上際于天。不足容其高。下蟠于淵。不足寄其深。泐乎其未始有也。漠然其不可測也。故先王之道。無跡而稱焉。上不溷其至真。下不異乎當世。古之道術有在于是者。先王聞其風而悅之。接之以太和。冥之以常動。盡乎物畛。放乎天均。泰山槩地。與之齊其大。纖塵飄空。與之等其細。粲焉其未嘗默也。故先生之名。有謂而述焉。先

生喻岷山之英。儲井絡之精。鳳翔覽德。龍蟠隱靈。若乃孤風扇于縣區。長波溢于來世。道隔用表。隱顯無跡。身寄形外。名言所絕。是以良史不得牒其世。聘輪不得寵其家。三府不得署其行。諸儒不得宗其教。乘萬物而連抃。襲一氣而訢合。彼其視爵位若糝鼠之腐。比毀譽如蚊虻之過。況夫規規末俗。悠悠常論。可髣髴其道乎。惟揚子稱之曰。不屈其志。不累其身。仲元世之師也。雖然。予嘗言之。無用之用大矣。有用之用小矣。持蒸燭于幽室。難然稱其景。及夫翔陽逸駭。天宮同煥。則未嘗謝其明。挾重纘于大寒。趺然愛其溫。至乎陽春發榮。萬彙該暢。則無能論其燠。先生之道。非近是乎。夫至人不待江海而潤。非取晉楚而富。工乎天而不繫。同乎人而俱化。孰肯嗅驕餌以邀盈。背之福。冒賓名以取畸人之戮哉。千載寂寥。高絕隆絕。挹咀遺味。敢稱贊云。

道不可識。識之淺矣。道不可知。知之褊矣。不識不知。乃道之微。先生用舍。此焉是依。子雲稱述。外而不內。晦不我賤。達不吾貴。無言有言。有謂無謂。綿代不窮。高風難對。

南嶽慧照禪師省賢真贊

太虛網緼。六根相依。師有元身。廣額瞭眸。以假圖假。省師之神。師昔有言。妄存者亡。不妄亡者存。師貌雖人。師心卽佛。請視斯文。

眞珠菜贊

并序

戎瀘等州有之。生水中石上。翠縷纖腰。若貫珠。蜀人以密熬食之。或以醯煮。可行數千里不腐也。贊曰。植根水中。端若串珠。皿而淪之。可以代蔬。

蘆仙竹贊

并序

生山澗中。大抵若篠。然里人移蒔圃中。高止數尺。贊曰。

弱竿近節。籜與蘆類。細葉纖長。蒼葢而概。

天仙果贊

并序

樹高八九尺。無花。其葉似荔茭。而小子如櫻桃。纍纍綴枝間。六七月熟。味至甘。贊曰。有子繁枝。不藪而實。薄言采之。味比蜂蜜。

佛豆贊

并序

佛豆粒甚大而堅重。農夫不常種。惟圃人蒔以爲利。以鹽漬然後食之。小兒所嗜。贊曰。豐粒茂苗。豆別一類。秋種春斂。農不常蒔。

紅珠豆贊

并序

花白色。實若大紅豆。以似得名。葉如冬青。蜀人以豆爲果飮。贊曰。葉圓以澤。素蘗春敷。子生筵間。纍纍綴珠。

紅蕉贊并序

蕉中蓋自一種葉小其花鮮明可喜蜀人語染紅者謂之蕉紅蓋欲倣其股麗云贊曰蕉無中幹花產葉間綠葉外敷絳質凝殷

木質蓮贊并序

花生峨眉山深谷若芙蓉香亦類之木幹修壯花夏開枝條茂蔚不爲園池所蒔贊曰葩秀木類狀若芙蕖不實而榮馥馥其敷

重葉海棠贊并序

海棠大抵數種種皆小異惟其盛者則重葩疊萼可喜非有定種也花開爛若錦障北方所植者枝強花瘠殊不可玩故蜀之海棠誠爲天下奇絕云贊曰條柯柔曼濃淺繁總盛則重葩不常厥種

護花鳥贊并序

春城峨眉山間往往有之至春則啼其音若云無偷花果髣髴人言故云護花鳥贊曰茜首黑裳黃馭其羽厥鳴嚶嚶若禁若護名而不情盜者猶懼

猩猩贊并序

出邛蜀間。與猴狻少異。但性不躁動。肌質豐腴。蜀人炮蒸以爲美味。贊曰。

獼與猴狻同類異種。彼美豐肌。登俎見用。

羚羊贊并序

出北番及茂威等州。形似畜牛之大。其角緣頭上。重者八九十斤。黑質而白文。工以爲帶胯。可用亂犀。贊曰。

羊質之大。角繞于首。以角之稱。軀殘獵手。

黑頭魚贊并序

形若鰱。長者及尺。出嘉州。歲二月則至。惟郭璞臺前有之。里人欲怪其說。則言璞著書臺上。魚吞其墨。故首黑云。贊曰。

黑首白腸。修體短額。春則羣泳。數罟斯獲。

嘉魚贊并序

丙穴在興州。有大丙小丙。魚出石穴中。今雅州亦有之。蜀人甚珍其味。左思所謂嘉魚出于丙穴者。贊曰。二丙之穴。厥產嘉魚。鯉質鱗鱗。爲味珍腴。

鮑魚贊并序

出西山溪谷及雅江。狀似鯢。四足。能緣木。其聲如兒啼。蜀人食之。贊曰。有足若鯢。大首長尾。其啼如嬰。緣木弗墜。

石鱉魚贊并序

狀似鯢。而小。上春時出石間。庖人取爲奇味。贊曰。鱉鱗。么質。本不登俎。以味見錄。雖細猶捕。

烹鹿魚贊并序

魚之細者。生隈瀨中。狀若鱖。大不五寸。味美。蜀人珍之。贊曰。長不數寸。有駁其文。淺瀨曲隈。唯唯而羣。

婆羅花贊并序

花生峨眉山中。葉類枇杷。數葩合房。春開。葉在表。花在中。或言根不可移。故俗人不得爲玩。贊曰。聚葩共房。葉附花外。根不得徙。見偉茲世。

楠木贊

在土所宜。亭擢而上。枝枝相避。葉葉相讓。繁陰可庇。美幹斯仰。蜀地最宜者。其生童童。若幢蓋然。枝葉不相礙。故名讓木。茂葉美陰。人多植之園囿。材甚端偉。葉經歲不凋。至春陳新。相換有花。實似母丁香云。

慈竹贊

根不他引。是得慈名。中實外堅。筍不時萌。末或下垂。莠弱絲繁。性叢產。根不外引。其密間不容筍。筍生夏

寸者曰龍竹。二尺者曰苦竹。弱稍重。地者曰釣絲竹。或取節脩膚緻者。用爲簾笠。尤佳。

櫻欄竹贊

葉櫻身竹。族生不蔓。有皮無枝。實中而幹。性亦叢產。葉似櫻。有刺。徑不二三寸。或曰桃竹。未得

對青竹贊

翠溝如畫。間竹相偶。挺美不凡。取貴中圃。邛蜀州產。多有溝道。端綠一節。則然。園圃多時之。

紫竹贊

竹生三歲。色乃變紫。伐幹以用。西南之美。蜀諸山中尤多。園池亦種爲玩。然生三年色乃變。三年而紫。蜀人以爲笙及筆柄。尤可愛。

方竹贊

竹筍皆圓。此獨方形。厚倍于筍。細節稜稜。圓衆方寡。取貴以名。生戊瀘等州。大葉而實。中東人尤愛之。以爲杖。

月季花贊

花互四時。月一披秀。寒暑不改。似固常守。此花即東方所謂四季花者。翠莖紅葩。蜀少霜雪。故此得終歲十二月月輒一開。蜀人因謂月季云。

海櫻贊

櫻皆皺皮。此獨自幹。攢葉于顛。毒首披散。秋華而實。其殖則罕。大抵櫻類也。然不皮而幹。葉葢于杪。至秋有左綿海。櫻行今東川無之。
理緻幹堅。風雨不能摧云。

綠蘿蔔贊

類則溫菴。根端綠色。纖長不圓。脆滓甘液。種于羅蔔類中。尤爽潔甘滋。以子種于東方。則變殆土所宜云。

隈支贊

挺幹既脩。結齧茲白。戟外澤中。甘可以食。生邛州山谷中。樹高丈餘。枝脩弱。花白。實外。莖支。內黃。柑甘。味可食。大若爵卵。

天師栗贊

栗類尤衆。此特殊味。專蓬若橡。託神以貴。生青城山中。他處無有也。似雕栗而大。或言張道陵常所食。故號天師栗。比常栗味美。惟獨房爲異。久食已風綫。所

倒仙牡丹贊

花跗芬侈。濫刺于梗。不可把玩。豔以妍整。花出彭州。其枝一似薔薇。有刺。不可玩。故以別他牡丹云。

竹柏贊

葉與竹類。緻理如柏。以狀得名。亭亭脩直。生峨眉山中。葉繁長而澤。似竹。然幹大抵類柏而亭直。

金星草贊

長葉叢生。皆點星布。高醫近識。傳痘可愈。生峨眉山。葉似萱草。其葉皆有點。雙行相偶。黃澤類金星。人號金星草。亦云。金劍草。皆以肖似取之。今醫家用傳痘創甚。

良

娛美人草贊

翠莖纖弱。稚葉相當。逼而歌之。或合或張。蜀人舊傳虞美人草。予謂虞當作娛。今世所傳虞美人曲。下音

川芎

柔葉美根冬不殞零采而掇之可糝于羹蜀中處處有之藥爲靡蕪楚辭謂江離者根爲芎似雀腦者善
胡桃者不可用人多時于園檻葉雜時可用作藥蜀少寒莖葉不萎

附子贊

附堇而生。翠莖紫蕤。生蜀者良。三建則非。生緜州彰明縣者最良。有一子重及太府官。稱一雄側子。共一紫物耳。陶宏景以緜龍二州所生爲良。今則惟彰明者佳。

甘露茶贊

弱樹繁葉。類赤心棘。採以清明。厥味甘極。生耶眉州山中。其樹大抵似赤心棘。經霜益茂。明年採之。有香味若飴云。

水葵贊

素花碧葉。浮秀波面。日中則向。日入則斂。花色或黃或白。葉浮水上。翠厚而下。若葵藿傾太陽之比。

綠蒲萄贊

西南所宜。柔蔓紛衍。縹種綠實。其甘可薦。北方蒲萄然則色紫。今此色正綠云。

寶蟬花贊

擢穎挺挺。盛夏則榮。丹紫含英。以寶見名。條葉大抵玉蟬花類也。其生叢蔚。花紫質絳云。

鴛鴦草贊

翠藹對生。甚似匹鳥。逼而視之。勢若偕矯。春葉既生。其雜藹在葉中。兩兩相向如飛鳥對翔。故名鴛鴦云。

羞寒花贊

冒寒而茂。莖脩葉廣。附莖作花。葉蔽其上。以其自蔽。若有羞狀。蜀地處處有之。不爲人所愛。依莖綴花。蔽葉如隱。俗曰羞花。子易爲羞寒花。

艾木贊

綠實若莢。味辛香甚。投粒羹臠。椒桂之匹。大抵菜莢也。實正綠。味辛。蜀人每進羹臠。以二三粒投之。少頃香溢。蓋瓊或曰作爲香尤良。

黃拒霜花贊

秋華纂纂。載黃其色。豔靡鋪葉。疑不善殖。南方拒霜花落。則刈其莖。取新條。故花葉數盛。惟無黃者。蜀人使之成樹。而花葉碎小。雖黃品可佳。然不足愛。玩疑如南方

新條則花葉盛矣。

添色拒霜花贊

自濃而淺。花則常態。今顧反之。亦花之怪。生眉彭蜀等州。花常多葉。始開色白。明日稍紅。又明日則若桃花然。

太平瑞聖花贊

衆跼聚英。爛若一房。有守繪圖。厥名乃章。繁而不豔。是異衆芳。出青城山中。幹不脩大。高者及尋。花率秋開。若纔先後相續而開。凡閱月未萎也。蜀人號豐瑞花。故丞相國琳爲益之年。繪圖以聞。更號瑞聖。花然有數種。差小者號寶仙。紅淺者白者名玉真。戒都人競移蒔。固中以爲愛玩云。

旌節花贊

擢條亭亭。尉紫累丹。狀若使節。方圖實刊。條脩葉碧華紫。層累而擢。正類使所持節。然猶以名見益州圖經。

錦帶花贊

苒苒其條。若不自持。綠葉丹英。蔓衍紛垂。蜀山中處處有之。長蔓柔纖。花葉副間。如藻帶然。因象作名。花開形似飛鳥。里人亦號雲透花。

蟬花贊

蟬不能久。蛻于林下。花生厥首。茲謂物化。二川山林中皆有之。蟬之不能久者。至秋則化。其頭長一二寸。黃碧色。治小兒瘰癧。又能已瘡。

玉鳳毛花贊

華而無采。狀類翔鳳。么質毛輕。翩欲飛動。叢本至卑。纖莖如釵股。秋開不薨。而疊狀似翔禽。故曰鳳。色白。故曰玉。以其紛輕。故曰毛。

石蟬花贊

有若穎然。有若敷然。取其肖象。莫類于蟬。始生其葉森擢。長二三尺。葉如菖蒲花。夢五出。與蟬甚類。黃綠相副。蜀人因名之。又有白者。號玉蟬花。

狻猊贊

狀實猿類。體被金毳。皮以藉馬。中國之貴。威茂等州南詔夷者多有之。大小正類。猿惟毛爲異。國朝近制。兩省以上官乘馬者。得以狻猊爲藉。武官則內客省使。宣徽使。相用。乃得。

百舌鳥贊

綠衣紺尾。一啼百轉。可樊而畜。爲世嘉玩。出邛蜀山谷間。毛彩翠碧。蜀人多畜之。亦云。翠碧鳥。善效他禽者。皆罕。故惜之。不使極其驚云。

金蟲贊

蟲質甚微。翠體金光。取而稿之。參飾釵梁。出利州山中。畢體綠色。光若金。里人取以佐婦人釵釵之飾云。

餘甘子贊

黃葩翠葉。圓實而澤。咀久還甘。或號菴勒。注原本闕。〔案〕益部方物略記。餘甘子。生戎盧等州山樹大葉細似槐。實若李。而小。咀之前苦。後甜。甚有味。故號爲餘甘。

景文集卷四十八

說

酺說

客問曰。朝廷設酺宴之令。享天下高年。質于古經。何禮之處。答曰。先儒顏籀有言。酺之爲言布也。王德布于天下。而合聚飲食以爲酺。然予之所聞。似異于是。酺爲神名。音如步讀。本于民里。因祀而合飲耳。周官大司徒族師。春秋祭酺。先鄭說。酺者。爲人物災害之神。後鄭謂族師無飲酒之禮。因祭酺與其民以長幼相獻酬焉。蓋古之爲民者。防遏爭端。酒禁最重。惟祭祀鄉飲得以行禮。細民之室。不得常御。書曰。無彝酒。此之謂乎。漢承秦法。于周差近。流風遺書。頗有存者。故漢律。三人以上無故羣飲者。罰金四兩。是則醴醪糜穀廢于私室之間。遺飲食合釀。繫乎君上之橫賜。西京文景武宣之代。時有酺賜。本之歸于祭酺之禮。因餘福而弛酒禁也。故武帝太初二年。令天下酺五日。腰五日。且羶。腰亦祭名也。漢帝以立秋豺祭獸。因以出獵。是則祭酺而後民飲酒。祭羶而後民搏獸。一切之制。于義自均。今許腰爲祭。而廢酺爲神。破一體。興二說。近乎攻異端者矣。三鄭之詰周官。多視漢法。其言酺也。乃云有螟蝗之酺。人鬼之酺。夫三鄭目見漢之有酺祭。因令民之會聚酒食也。故于族師之詰。意悉事詳。苟無其端。不吝臆測。客曰。然則今之酺令。

或未思其本耶。予曰。否。酒禁行于古。故漢之醕也。民財自出。得以達夫家。酤搯施于今。故我之醕也。君澤所頒。專用寵耆耄。禮與世變。名隨事易。損益之常也。何必執古禮而處之哉。

王杲卿字說

字之言滋也。名之外滋其一。稱古君子。因用表德焉。陽秋大夫褒則書字。禮經男子二十冠而字。厥惟舊矣。琅邪王君仁旭。字杲卿。既式是道。且欲本而推之。以充其誼。予辱君請。得以文陳。旭者。日之旦也。本君含章自內。不待于外也。杲者。日之出也。本君厥修時敏。寢升以著也。仁聯昆仲之次。八慈比也。卿同士子之稱。勞謙象也。凡道不揚。休篤實。光明章大。未有能發乎遠也。若君家太尉。以三公建上將。威略折衝。爲時長城。勳在王府。耿乎當世。君承德厚之慶。孺簞于賞典。崇讓下賢。不以倨貴自安。靖恭肅給。入服華伍。其有意乎緝熙于光明。發于事業歟。又將不衰其孝。謹而念爾祖歟。昔君之先代有元長者。自比扶桑暘谷。今君邇洪源。休令聞。遠以旭杲命之。則光輝日新。世其家者。有待于君矣。

雁奴後說

周宮醢人。簞菹雁醢。六贊。大夫執雁。莊周舍故人家。主人殺雁。雁爲羞品。舊矣。大江之南。陽烏攸居。餘菰稻稂。羣翔蓄喙者。動數百千計。鄉人或夜經大澤。連亘繖而掩之。然常苦雁奴之覺也。鄉人說曰。雁奴。雁之最小者。性尤機警。每羣雁宿。雁奴獨不眠。爲之伺察。或微聞人聲。必先號鳴。羣雁則雜然相呼引去。後

鄉人蓋巧設詭計。以中雁奴之欲。于是先視陂藪雁所常處者。陰布大網。多穿土穴于其傍。日未入。人各持束縋。井匿穴中。須其夜艾。則燎火穴外。雁奴先警。因急滅其火。羣雁驚視無見。復就棲焉。如是三燎三滅。雁奴三叫。衆雁三驚。已而無所見。則衆雁謂奴之無驗也。互嗙迭擊之。又就棲焉。少選。火復舉。雁奴畏衆擊。不敢鳴。鄉人聞其無聲。乃舉網張之。率十獲五。而廬有脫者。以是江湖之民。尤嗜雁。或賤售于人。予聞其事不甚諦。後有隱民馮生者。與予善。他日問之。而信。馮生工屬文。嘗爲雁奴說。嘆其以詐相籠。以禍相嫁也。其言曰。奚獨雁哉。人固有之。李斯秦之警也。趙高詐燎。而胡亥擊之。國入于漢。陳蕃漢之警也。曹節詐燎。而孝靈擊之。家獲于魏。由是觀之。可不爲之大哀耶。予嘗愛其文。今馮生遁老。訪其書不獲。姑掇其切著于篇。還以舊名題云。

舞熊說

晉有蘭子者。獲二孺熊于太行山。而飲食之。能得其欲。教爲蹲舞之技。以丐市中。先開迴場。震之嚴鼓。市人項背山立。俄以巨梃鞭熊。應手皆舞。躡蹠騰踢。悉中音節。伎彈曲關。蘭子放梃四顧。躊躇滿志。人爭投錢與之。旣而自負其能。數與優角。時真聖幸汾陰祠。后土曼延奇怪。竝參侑樂。蘭子以熊見行在。上奇其馴服。賜以鏤器束帛遣之。自是蘭子挈賜物。嬉遊郡縣。頤指楊祖。擾熊益甚。遠近聞者亦爭玩之。于是除地會要。趣節亟引。心冀技之速售也。每舞一終。輒哀金數千。是日曲數十終。售金數萬。蘭子被酒霑醉。益

有驕色。會日暮。二熊不時得象。瞪目跋扈。不復肯舞。蘭子鞭之彌急。市人有竊笑者。蘭子恥熊之反已。因假利兵欲刺之。二熊驚躍。批蘭子手殺之。復旁傷數人。突出譙門。大淮卒并力殺之于道周。噫。獸與人嗜欲不相遠。畜之以理。猶可屈伏。而蘭子見利忘義。求之不已。力窮變生。反受其咎。宜哉。昔東野馭馬。顏闔曰。稷之馬必敗。馬力殫矣。而猶求焉。寧斯人之徒歟。

對

對太學諸生文

諸生有過臣學舍。諗臣曰。頃聞縣官清詔。修復儒宮。倅圖旣吉。攷定之中。築登削馮。聚見其功。順珍坤以營勢。憲圓璧而回甌。超夏越商。與虞同風。革有鴟之好音。扶兩豆之羣豐。蓋有日矣。今茲乃詔大匠。罷其營理。收絲反汗。摺綆愕眙。廢星整于九仞。止天崧于一簣。寧道之遂汙。文之將墜。廢仁義于黃老。謝詩書于佛諦。何沒振之甚焉。臣揖而喻之曰。宸扈聰睿。天家護明。協恭大化。速如建瓴。重惜百姓。噢咻羣生。今太學歲直其地。故縣官避而不營。慮陰陽之整擾。損黎獻之洪寧。又以庠序體大之事。縣官亦欲不亟其成。然弗聞其遂廢也。諸生悄然曰。先生見欺哉。大道宰時。萬物均利。先天後天。不恤禁忌。有而言之。亦祇以異恐先生之迂也。臣應之曰。上聖不凝滯于物。故能與世推移。雖神遠之脂合。懼細黔之無知。是以蹈先見之遠畧。徇昆命之邇詞。俯同鼂兆。不顯其幾。俟厥祥之歲習。遵攷室之多儀。上取陽秋吳越之誠。次

驗禮經子卯之譏。宜乎昧者不見其堂奧而僅在乎藩籬也。諸生曰。然則先生之謂體大之事不亟其成。斯言非是。何據于經。且夫陶姚助華。商周文質。每舉大物。未嘗曠日。是以靈臺經始。而詭庶民之功。桑蔭不移。而示聖功之疾。又況太學者。綜王度之稱首。導天常之自律。獨淹久而弗康。將寢微乎學術。不披其華。焉取其實。思竊疑焉。臣答曰。諸生可謂拘文牽俗。迷乎大方。持螢爝不知日月之出。視數澤不識鵬鵬之翔。今將仲子之偃。箴子之盲。掬陳帝紘。槩舉皇綱。竊聞太平之基。不九年則不能載其德。故源甚浚則流甚長。成之暴則壞之亟。虞舜歷試諸艱。而納大麓。周文匪棘其欲。而王西國。彼寧樂乎淹卹哉。不得已也。今縣官丕天之大。彌文之緯。以絃頌不已。而孚習俗不朞月而改。故先發號乎首善。將大定于四海。使含生飲其祇庸。多士薰乎孝愛。然後鼓易動于庠序。沛有餘乎方內。亦猶樹木者爲計于十年。成閭者歸餘于三載。此天道之常倫。奚致疑而驤驟。況縣官樂育士類。申飭官師。講求本本之說。丕迪安安之基。雅三而肄。零詠而歸。雖暫休乎不作。且不忘經構之宏規。何謂其遂廢哉。諸生報焉汗下。遂巡避席曰。鄙人寡聞。猶醺雞然。微夫子之發覆。孰知夫天地之全。

述

福嚴院種杉述

福嚴大士嗣居之九年。營復仁祠。以舍大衆。仍山取勝。披巒發奇。雲征鳥革。幾二千室。佛事侈大。邦人歸

嚮望門生信。造壺益虔。收攝隴戾。更爲清靜。又命其徒。環院且百里。廣樹杉焉。師之言曰。嶽之陬。莫杉爲良。今視我居。水火之不可常。堂構之不可怠。苟無其備。謂吾能外助哉。由是日蒔。歲營數盈十萬。順其陰陽。時其上。中。築而培之。灌而澤之。沿緣陬險。半散巖藪。望之離離。卽之靡靡。搖風之所假拂。膏雨之所沾洳。春綴其理。秋勁其膚。童而蓋然。黦而帷然。牙葉奮張。枝幹夸肆。于是大者中梁。小者中杙。直者爲椳。枝者爲枅。若乃肯宇偃功。大匠經始。斤斧所度。繩墨所習。從容頤指。萬楹可具。不丐林衡。不諉縣官。茲爲長利。其可嘉已。先是。州將下符。爲中厲禁。又檄院幹。得專護焉。已而衆謀丐文。俾信于後。予聞管仲有言。十年之計。以木。百年之計。以德。師今爲未來世思。患豫防不直十年計也。樊仲欲作器。先種梓漆。人或嗤之。後得其用。更從假貸。則今之味者。得無嗤師之遠計乎。亦且異時從師而求假也。師名省賢。以傳付密要。始處藥山。大唱宗旨。旋舍石霜。黑白不釋之。故又居于茲。三坐道場。一用真諦。今予以有爲之績。可述之言。以美于師。是非謗法也哉。雖然。不謗不足以爲法。師其著吾文。無介焉。州符衆樹杉者之名。刊于石肯。

題辭

西州猥藁系題

西州者。益也。猥。雜也。藁。其未工之辭也。始予以嘉祐初來爲州。州大務叢。日操刀筆。坐閣下。吏環立聽命。必取判乃得去。又主勞賓客。皆有常處。一不可廢。會天子促上唐家書。遣使者就索副草。經三時乃悉送。

官。凡再蒞之間。身事交逼。操楫佐轅。伎不兩工。故于他論著不遑及也。惟覽山川。采謠俗。觀風雲。怪奇草木。悴歲時。故新朋昵。判合時。寓諸詩。詩者探所感于中而出之外者也。所以怡性情。娛僚賓。故狹章不爲貧。積韻不爲廣。悼于往弗及于流。自假守至滿更。月裏日次。凡得百餘篇。雜內褚中。命曰猥蕪。野庵之芹。窮緯之刪。自愛而不忍棄也。或曰。君之詩往往爲邦人寫去。奈何。不如因出之。可見本末。予不能謝。即謾門人印州從事段釋釋之。書而刻之石。置大智禪坊之亭。噫。後之人孰爲我竄其辭。刪其冗。掇所得八分之一。以備樂府雜家。俾知治世之音安且樂云。

戒

治戒

吾歿。稱家之有無以筭。斂用濯浣之衣。鶴氅裘。紗帽綫履。三日棺。三月葬。謹無爲流俗陰陽拘忌也。棺用雜木。漆其四會。三塗卽止。使數十年足以厝吾骸。朽衣巾而已。吾之焄然蒿然。皦皦有識者。還于造物。放之太儉。可腐敗者。合于黃壚。下付無窮。吾尙何患。掘冢深三丈。小爲冢室。劣取容棺及明器。左置明水二盞。酒二甌。右置米麪二盂。朝服一稱。私服一稱。轉履自副。左刻吾誌。右刻吾銘。(案) 則云右誌左銘。即掩壙惟簡惟儉。無以金銅雜物置家中。吾學不名家。文章僅及中人。不足垂後。爲吏在良二千石下。猶可容數人。無功于國。無惠于人。不可以請諡于有司。不可受贈典。又不宜求巨公作誌及碑。冢上植五株柏。墳高三

尺石翁仲他獸不得用。蓋自標置者非千載永安計爾。毋作道佛二家齋醮。此吾平生所志。若等不可違命作之。違命作之。是死吾也。是以吾爲遽無知也。葬之日。以繪布繒棺四襲引。無作方相俑人。陳列衣服器用。累吾之儉。吾生平語言無過人者。謹無妄編綴作集。使後世嗤詆吾也。吾侍上講勸。凡十七年。上頗記吾面。曰姓名然。身後不得丐恩澤爲無厭事。若等兄弟十四人。惟二孺兒未仕。此以委莒公。莒公在。若等不爲孤矣。若等兄弟雖有異母者。古人謂四海之內皆爲兄弟。況同父均氣乎。詩稱死生之戚。兄弟孔懷。不可不念也。兄弟之不懷。求合他人。人詎肯信哉。縱陽台之彼。應笑且憎也。若等視吾事莒公云何。莒公友吾云何。可以爲法矣。人不可以無學。至于奏議牋記。隨宜爲之。天分自有所稟。不可強也。要得數百卷書在胸中。則不爲人所輕誚矣。

祝文

謝雨文

嚮自首秋。弗獲嘉澍。斯農吁嘆。厥稼芸黃。尸臣不寧。控神祈助。聰直垂答。優渥載霑。坊庸疇畝。咸已蒙潤。耒耨芟播。亦克措功。庇于嘉生。莫匪靈貺。物薄恭備。敢用謝成。

長源公廟再祈雨文

仲夏以來。甘澍愆候。瓊稻方茂。浸灌告勞。天高日烈。雲族弗應。年之儉穰。近在旦暮。祁也省咎。弗敢舍安。

分命乃僚。奔告羣祀。意者政弛而多類歟。獄寃而無告歟。賕賂行歟。捐瘠多歟。有一于是。長人任罪。疾癘是降。誅罰是嬰。不當感損佳應。以害百穀。惟公望紀斯土。流潤千里。願監薄訴。垂庇我民。驅蔽早殃。大沛膏澤。就成苞穎。千萬斯倉。甘潔神粢。充衍國賦。養老嬉幼。無有後艱。神實賜之。其敢忘德。不敢私請。謹以清酒制幣。歸窮申款。

南嶽祈雨文

仲夏以來。日烈風燥。雲油戕澍。于茲四旬。邇竊惟荆揚之人。以稻爲命。稻不時穫。終焉阻飢。今穉秀甫興。浸灌云竭。原師田峻。爰控不寧。卜之三旬。朝仰甘澤。有年在此。無年亦在此。惟帝宅是靈嶽。保佑下民。歆聲監虔。厥由景饗。願賜湯霖。以獎歲功。俾我百穀。巍然雷足。使得上奉邦賦。次潔神粢。老饘壯食。充養室家。天造陰隲。帝實尸之。至于長人之官。政事疵類。顯誅幽殛。竄無所逃。元元孔歎。侯帝得請。符印有守。不獲身請祕祠。謹遣文學參軍文郁。竭誠代訴。

謝雨文

間久不雨。穀將殄瘁。躬率僚掾。奔告祠下。以禱厥災。惟神降鑒于衷。應焉如答。沛足甘澤。嘉生以滋。百姓饑阨。旣捍而備。長人多罪。又釋弗誅。太守不敢忽祀之常秩。其敢忘神之顯祐。謹以嘉酒制幣。柔毛剛鬣。侑以鼓吹。敢謝成貺。

北嶽祈晴文

維至和元年歲次甲午六月朔。越二十四日。具位臣朱祁。敢以酒幣昭告于北嶽安天元聖帝。按時令。是月大雨時行。雖然。久陰連澍。比稍無節。因而不止。恐害黍盛。常趙之人。勞窶久矣。若今無年。將遂轉溝壑。臣神祀乏國賦。雨獲罪辜。則亦惟帝之閔。矧川瀆溢流。壞軍城室廬千所。屯吏走告。守臣不敢寧。惟智慮昏塞。無以招來和氣。是用投誠于神。帝若垂哀憐。解駁屯雲。使晴雨得宜。百穀成就。元元足食。其誰敢不據神惠而謁報禮。以訖無疆。祁佩軍印。不獲身到祠所。謹遣司戶參軍李冲侍祠。

里社龍神祈雨文

維至和二年歲次乙未二月乙丑朔。越十二日庚子。具官朱祁。謹以酒脯果茗養羞舒雁之牲。敢告于里社龍神。比亢陽爲沴。順氣弗效。農夫告勤。是用遣僚屬有請于龍。彌跨四旬。雨雪三集。潤絀及寸。輒止。今土脈冒蒸。百昌萌芽。此時不雨。歲且大乏。惟人依神爲庇。惟神享人之祀。歸窮上叩。不應不止。神其走驅雷風。興雲致雨。彌漫沾足。潔滌品彙。無令無年。以貽龍羞。

里社龍神謝雨文

敢告于里社龍神。乃雨弗時若。將害黍盛。以庚子致禱于龍。期五日當應。蒙亮哀叩。訖甲辰。沛雲四隲。佳澍霑濡。有請必答。克就豐歲。順應如期。震動我民。刺史雖德薄。敢忘龍之惠。澄醪潔羞。仰薦報禮。

酺神文

比以旱氣搆沴，炎騰羣翔，方穀之蕃，敕民勤捕，致禱祠典，祈稔農秋。至誠如答，飛孽無害，瞻類訖息，粢盛迪嘗，惟神之貺，屆夫多祉。匪曰嘉薦，聊用謝成。

祈雨文

去歲前嘆後潦，斯人困甚，朝廷蠲減徭賦，以救流亡。今春膏盈憤，雨弗霑綿，宿麥告悴，穀未及種，力農駭嗟，和氣屯凝，惟神一境之望。陰相天惠，泄風出雲，是庇是資，敢修禋典，以丐豐暇。

北嶽謝雨文

〔案〕祁到成德軍任在七月，此文在四月，當屬奉詔在前，即遣屬官致祭。

維皇祐四年歲次壬辰，四月丙子朔，越十九日甲午，具位宋祁謹遣光祿寺丞簽署節度判官廳公事夏倚，以清酌庶羞之奠，致祭于北嶽安天元聖帝。近以正月至四月不雨，藝者不茁，苗者不蕃，吏民遑遑，憂爲歲害。嘗遣屬官走廟下以旱告，曾未浹辰，雨獲嘉應，愁嘆之聲，轉爲謳吟。是用卜日具祭，以答靈貺。然而川隰之間，旣幸霽洽矣，其陵阜境圉之田，尙未涵足，神其振張威明，以大明功，俾高下均蒙其賜，則吏民尊奉之心，益虔肅矣。

禱北嶽文

敕舉時祀，壬大方嶽，而署旨侍祠，禮在守土。今春浹中氣，土理涵墳，耕事洽布，膏濡庭碩，此惟其時。君子

野人歲望在穡。相穡有道。惟神尸之。祈自漸壠垂穎。底于坻積。而雨不侵淫。風不燥燠。四蟲屏慝。祛沴宜和。陰造有年。繫神爲力。指導與臆。祁爲之言。要神瀆靈。言者之罪。宥而享之。蠲聽神惠。

五龍堂謝雨文

維皇祐六年歲次甲午三月乙丑朔二十日甲申。具位宋祁謹以清酌之奠。昭告于五龍之神。昨早暎爲虐。綿跨冬春。二麥瘁枯。民屋疵癘。守吏震愧。用齋潔以致上。控于神。信辭幽通。神實歆應。甘澤飛霖。密被四疆。然穡事方作。尙須膏潤。惟至誠可以感神。惟明神可以庇民。敢因報謝。更靳來澤。

祈雪文

比親按禱典以求甘澤。神不賜達。嘉雪遽霑。未能周浹。天已開霽。疑薄誠不足迎復至和。今土膏冒。農耜就畝。而雲合不膚。風輒披攘。陽悍而驕。造燠奪寒。以佐溫癘。比屋流染。茲人愁呻。罔所告窮。宿麥焦煤。穀乏無助。刺史夙夜震惕。不知爲計。是用改被蒙心。再請諸神。惟神責刺史多罪。降戾其躬。以震不虔。垂憫元元。蚤脫甘澍。驅魃投災。沛發嘉生。萬物茂遂。皆神之賜。潔幣儲牲。將謝厥成。

北嶽祈雪文

自冬無雪。大寒不效。宿麥瘁枯。涉春之仲。土墳凍泮。天極愈高。暖氣蚤來。厲鬼挾疫。以中齊人。寒咳僂仆。諸埃蒙田。耒耜弗施。夫家愁嘆。疾首無訴。坐待飢虛。臣荷二千石印綬。克長此邦。部九州軍地。幅員千里。

有民不獲。匪臣執司。臨政不敏。御下弗明。事神不虔。怨詛騰布。爲疾爲旱。職臣所召。向者。已遣府從事投訴祠闕。冀蒙嘉生。而涉月跨歲。太和閉鬱。終風連朝。雲合輒披。臣日自省。不知所救。惟身多罪。蔽暗懦愚。非帝所赦。不敢逃誅。斯民何辜。罹此亢厄。孩蜚相持。驅就困窮。有仁如帝。而不垂憫。側聞古諸侯祭境內山川。以山川能出雲爲風雨。見怪物。福庇其下。而血食之。自侯以降。養犧儲醪。踴伏進薦。或禴或嘗。不敢有貳。以能爲之主也。惟帝所宅。乃州之望。何材不取。何變不儲。然則蓄而泄之。沛潤千里。振洗懷焚。奮張葉芽。滋液流浸。啓佑有年。是嶽所以主而州所以爲望也。人能事神。神能庇人。方窮而訴。必見哀許。物薄請豐。所恃至誠。

南嶽祈雪文

自秋徂冬。早旣太甚。歲聿暮止。霏雪無應。眈眈茲悻。雲漢日昭。嗷嗷黎元。何辜于下。政不時久。責在長人。或獄狂愁冤。或調役苛暴。蒙闇多罪。不當神心。感傷至和。因害嘉應。咎苟有執。不敢逃誅。誠願身嬰疾癘。明寒無狀。墜越厥命。以紓民災。陛下憂勞萬方。適肆大告。上天氣應。不容并隔。惟帝保宅。潛霍震顯。厥靈儲陰孕怪。播澤千里。民之命在于穀。穀之相在于神。翹誠崇朝。跂沛甘澤。若獲歐蕩溫鬱。祓除旱殃。則馨香嘉粟。厥有常報。不敢私請。謹以嘉幣旨酒。式佑虔禱。

謝雪文二首

維皇祐五年歲次癸巳正月壬寅朔越四日乙巳具官宋祁敢告于里社龍神向以寒氣不效雪不時降民病壅塞首種焦然是用暴誠于爾有神神鑒其懇厥應如答高潤下霑罔不浹洽有醪伊清有饔斯馨以將至虔敢用謝成

比以旱沴參搏綿接二時天房泄煖麥首芸悴人愁室嘆食力寢艱守臣震懼夙夜惟省而致疵咎積罔克弭除是以歸寧披款馳修禱祝帝監于下赦其愆尤庇育有邦丕答嘉應乃十二月乙未有請越三日戊戌甘澤適降弗亟而緩霑足四驅叶蒸土膏代置爲禳滌災迎祐惟帝之賜我不敢知曰聰直變化實司民命亦不敢知曰羣畏嘉栗克厭靈心輒修舊典姑謝靈貺謹以少牢嘉稷旨酒制幣肅奉報禮

定州到任謝神文

恭聞古諸侯祭境內山川鬼神祁被皇帝詔書來此邦凡在祀典者春秋之饗豆蠶犢舉得奉承故始蒞事不敢不見祠下惟刺史所治弗瘼弗災以享其年神實庇之輒以熟饗旨酒侑以鼓吹遣屬吏攝事再拜諸廷

風震祭土地祝文

乃六月丙申暴風震電拔大木并損室廬刺史與邦人革然不敢寧永惟怪祥發所治之地必有以感之邦人無罪刺史其罪或冤鬱未申或底諸困窮嗟呼怨詛仰干神罰刺史願誓神自新省念咎愆庶臻治

理以紆威責。匿首歸窮。惟神賜哀。不敢私請。輒以熟饗清酌。侑薦于前。

祭文

祭孫僕射文

嗚呼。圓方相函。有奧有清。稟乎粹靈。賢人挺生。莖宰相期。有睽有遇。值其嘉會。盛烈斯舉。允矣我公。懿德
乘時。總是二美。蔚爲人師。齊風泱泱。洙俗闇闇。弱齡就傅。典學書紳。巾箱篋積。油素紛綸。神宗御天。擢首
儒先。所立卓爾。其聲哀然。一命策仕。銓衡密啓。緩玦緇帷。繙經壁水。禮有愛羊。河無渡豕。我冠兩梁。我紱
斯皇。進陪朝櫨。兼侍藩房。諸家去聖。詆訶奪攘。空言秕稗。異制械桁。公憤若時。毅然含章。增埤發壘。塞路
摧楊。旖旎學徒。終知嚮方。章聖臨馭。神庭構宇。命公待詔。軒然鳳舉。邦實上賢。人榮稽古。鯁亮摩切。優游
博裕。匪尺是枉。伊柔弗茹。前膝宸帷。叩頭省戶。砥刃以須。衰章輒補。謀之具臧。弊庶邁沮。帝念蒸黎。連翩
出麾。奉行細札。褰去垂帷。神明樹政。樂職聞詩。居則率俾。去而見思。乃踐諫密。乃官瑣闥。長君繼明。進階
貳卿。追鋒趣召。燕席光亨。宣室清問。華光授經。有猷有爲。弗猥弗并。典常墳大。武戒湯銘。誦言必對。嘉猷
是經。白首魁壘。與世作程。銀臺崇崇。公閱其封。收騶耳耳。公專厥使。或司繇叢。或教國子。惟公得之。異乎
求之。截河弗泐。導款靡虧。大車而載。秋陽以輝。鴻飛冥冥。不慕矰弋。公居法從。志澹虛極。抗章引年。闔門
謝客。上所固留。願焉弗獲。龍筦納言。得請東藩。奎鉤灑翰。宴罍申恩。亦命四近。賦詩贈言。臥閣踰歲。乞骸

去位。春坊傅席。菟裘仙里。疏受揮金。式宴以喜。廣德掛車。詒孫及子。天且佚老。君能知止。嚮用五福。與善則常。公明且哲。宜壽而昌。天乎弗淑。萎哲殲良。睨簪占命。忠言孔彰。玉輝金相。掩此不暘。人彝代矩。今也云亡。士類相弔。朝家憫傷。恤恩告第。躡書密章。高明令終。微公孰當。某等或奉緒言。或麻大庇。遊藩蒙潤。挹流疏穢。平日函丈。今茲交臂。拘此宿官。永乖薄醕。有李成蹊。有碑墮淚。遐齋令芳。庶展哀懷。嗚呼哀哉。尙饗。

景文集卷四十九

書

安撫太師和公書

祁惶恐。今茲淫雨溢河。相輔爲患。無慮千里。人將其魚。安撫太師和公。身督吏下。障塞濟護。一面堵安。人不流捐。發倉廩。謹道藹。存亡皆濟。此皋陶益稷所以樹明德也。德之在人。人也深。則所報長。宜乎享萬鍾。壽期頤。常冠四輔。爲國元老。決不疑已。比來百體若何。固太和憑厚。而純祉咸荷也。祁部中有秋。什八以上。但地狹。緣數百里。林麓間之。不能及他。自濟而已。餘乃波所及也。州帑價直已辦。民無橫調。吏如律令。邊候寂然。乞紓深慮。秋晏。爲邦國愛重。

上兩府書三首

至序多慶。伏惟勳止萬祐。天下無事。方國有年。戎夷納款。尉候徹警。翊戴之效。光明震疊。百工下執。仰彼餘麻。至幸至幸。乘障待滿。詣府未期。望爲蒼生多愛。下情叩叩。不宣。
邊州久闕軍儲。今者賴輿腹許。爲五年計。昨有司改法。須合比直增錢。伏蒙台慈特賜開允。商賈流通。斛食繼至。雖不敢望如素料。庶幾可及三年。守臣脫罪。銜戴無量。卑情不任感刻之至。不宣。

比日塞候晏然。年穀豐稔。盜賊靜息。伏乞上寬台念。然北敵多詐。累遣王綱于諸國乞兵。皆不遂。是以遣汎使作好言安慰朝廷。其本心未可測也。其如內畏西夏兵精。不敢與連和。爲中國患。三二年中。決未有警急。但朝廷沿邊州郡倉庫處處空虛。馬數全少。伏望廊廟論思之時。更賜擘畫。叩叩不宣。

上曾太尉書三首

伏承樞省繁務。日奉天辰。裁報百爲。罔不經懷。然體力初完。健粹之明。宜用之有節。上副臺家。下答官師。所以容咨者。茲最區區所望。伏惟少賜垂采。祗病雖小愈。餘苦一二尙未平。告滿百日。再荷朝旨。寬疾入新歲。或可赴紫宸之謁。苦公嘗諭鈞誨。令餌金液丹。可補羸弱。今遣儒息仰丐餘劑。庶治合精到。有十全之用。輕易干聞。伏待風旨。

累日蒙令嗣寺丞垂顧私廬。及傳勤誨。一二周悉。承比玉體強安。盡祛客疾。茲天輔善。帝寶弼之明應。不勝欣快。并道所服白朮兔絲已驗。且令參酌服餌。祗衰老縣病。病勢畱連。未能悉平。敢不用鈞教以救危喘。銜荷銜荷。惻悰滅裂難盡。聊用布謝。不宣。

祗移病臥家。本藏密以便衰拙。不意大鈞猥賜收錄。仲轅刮骨。復齒禁嚴。聞之震汗。一夕三陌。且密召遞宿。陪六飛。趨九城。非晚節所堪。支離盤跚。動煩司敗。必當懇讓。拜成命之辱。奉被手教。悚仄以之。雖仁人護短。欲培孤根。奮衰羽。奈公議何。使者待報薄晚。不一二。

上韓太尉書二首

近得諸行路云。嘗玉體愆宜。而九液更進。指日邁愈。雖惕然憂。俄釋然喜。且明公冲粹憑厚。煦若陽休。光澤盎盎滿顏間。今外疾來客。奚能久容。自泮解而銷伏也。況氓蚩蚩。士濟濟。祠而祝之。以待爰立耶。雖然。黃老所謂形神者。用之不勤則善。仲尼慎疾與齋戰。均伏冀留念。不宜節物感人。不言才不才。俱守寒下。執事春秋富位顯。則所感薄。祁年侵地宄。故所感深。把酒四顧。久不能自平也。何時同走闕下。持麋耳筆。陪侍清光耶。沍寒爲朝加冷。悽悽不宜。

上宣徽李太尉書

臘序已深。春榮將啓。霏雪未降。高風且霏。塊居惕然。謬政紛若。稍闕奏記。殊用慙顏。仰惟燕處。茂介休祉。邊務已晏。人瞻未酬。竚正樞廷。永輔王室。鄰邦胥仰。巨冶是依。謹奉狀通問。不宜。

上歐陽內翰二首

祁頓首。永叔內翰學士。比者伏審動止適否。福祿宜否。企憶話言。枵然常若飢人。不克時奉訊問。照通中而禮簡外也。史事想益有緒。奏期當在何時。矧老守藩。不得陪武一登延和之塗。悵悵奈何。慎夏珍護。懇懇。

聞以進讀易內閣。洒然驚喜。不賀永叔之得經筵。賀經筵之得永叔也。祁衰老甚。與哲人共游。其蒙益而

遠謫果足自信。病力未及走門。謹此道區區。

上孫侍講書二首

祁惶恐。奏記侍講。尙書執事。祁被病退居。惕陰續喘。天支其壞。歲汔再華。比自大旆啟行。窮廬結想。禮有參問。宜重跼以徑馳。心之精微。當累牘而中罄。氓庶所伏。城闕寢達。沈痼耗其神明。編削忘于倫脊。彙儀所廢。咎職在茲。恭惟坐鎮以來。嚮福咸乂。伏況避榮得請。由太上之重違。臥治于藩。蓋師臣之均逸。雖抗懷于如慢。方篤眷于乃神。必當就屈。冥冥之高。俯穆師師之論。講圖丕化。務近老成。願體輿言。進領嘉祐。被病窮居。巷次蕪寂。倏有絳構款戶。傳貺塗中。手教洎搢厘等數種。始知駢服近頓圻邑。而誨錫重至。情照純深。歆然百感。來舍勞府。兼承雅貺。具襲至和。比未奉來誨之前。流聞君侯莅止京室。卽寫悰款。參候寤興。及一介之背來。悟前言之非是。然于震戀延祝之素。無以易之。已託右史安道文咨呈。必無投棄。西軾嚴道。方觸隆冬。登頓良艱。愛重玉體。虔系謹附遺裁謝。不次。

與田都官書

惠書并新什一番。成誦終日。欽受無量。僕前年度河。見士人道閣下之賢。不容口。未克一見。及今相過。則才與劭皆如所聞。是僕宿昔高傾。不爲負。然道未光明。時有未合。抑而後發耶。有餘于中者。外必閒暇。閣下怡然難進。殆此歟。詩調清緻。須少暇屬和。以酬嘉貺。不宣。

同閣都官書

別來三得教。知到都被疾。踰數旬。體力尙未勝強。惕然憂之。足下厚于才。薄于命。所長未克施。譽不能償。毀此殆天而不人。足下其定無競無悶。慎勿引外物撓胷中。盎然完太和以拒之。所以鎮天下之方動者。此術也。力幣以自補助。餘未暇言。遞中一一垂報。僕比粗如。勿念。不宣。

與皇甫都官書

去冬逮茲。再得書教。言詳理具。不克時答。感專慙會。雖然。閣下當褫紱之後。招然意失。欲汎以開釋。則以外而不親。欲助陳抑壓。又且重增其憤。抱此勞結。頗難其辭。非忘簡彝矩。自墜無儀之域也。閣下材懿謀劭。濟以勤敏。所職皆善。宜無後艱。今乃罰由他及。誼無可辨。故當居易而俟。不泐于冲機。儻來則寄。均之于外物。瑕非可恤之畏。否有必傾之期。姑圖靜勝。以紓敦復。毋令譎譎者竊有議于盛德也。孤誠翹注一二。匪宜。

上利建學士書

月中銜校至。獲書。意愛渠渠。申誦不置。承止官下福與履并。歲滿平除。入籍郎署。甚休。北夢之人。貧窶大半。雖聞屢稔。罕有蓋藏。數賦疾征。則渙然離矣。乃今仁人爲之父母。其有庇焉。事時政成。舉多勝踐。僕常愛浮雲車蓋。二齋岑寂披豁。鄖波衍漾。斜抱譙趾。蒼山北繞。萬峯相嶽。歸雲霞落。間映空闊。田鶴相叫。汀

臆自歸。漁舫收笛。更相響答。清風吹簾。轉薄茂林。此際憑欄極眺。裴回置酒。恐京臺之樂。或不我加。利建
艦桓仕塗。與道皆適。又獲幽概。以佐清機。氣寧神旺。匪吏而隱。視韞鎖腊毒。寧不聞然。僕恨不得撫屏星。
抱鳴夷。奉使君爲一笑樂也。勉旃多愛。毋金玉其音。

上趙宗道子淵學士書

使者來。被教累番。慰曉周悉。盎然快清風而睇陽景也。彼都承勞歎後。子淵渙以慈和。導以順祥。興悴止
勞。已日還定。君子之爲政。自有次第哉。地去京師不遠。竚聞以第一治歸服。襄進。惟時億天祉。庸副區區。
祁病未造朝。歲後當宿所官。勿念。

上省判王純臣學士書

令季欽臣附貺手教。感歎不已。別凡八非。仕途之還處。自不常。人事信多故矣。翰林云亡。暫輔夢謝。不慙
一老。萬痛在懷。舊物惘然。靡所依止。今道粹獨荷茂閭。以紹前人。卓然美譽。交口稱道。信乎賢不乏世矣。
惟保佑嘉祉。日隲禁嚴。暢遐武乎九垓。副斯文之仰止。企詠企詠。

上公和王學士書

承自遼歸節臺下。朔野寒埔。偃薄勞爲。從者始休。家庭歡侍。何樂如之。想具湯沐。祓濯路埃也。必涓日對
武帳。別竚竊進。欽企欽企。有少庖具。納之饕宰。乞恕輕渺。

上行張屯田書

比天高氣清。蛩鳴夜而蟬號。晝百卉腴。振自然感人。況僕據老境。悼功名不立。其悵悵可勝言耶。足下雖少僕。然亦假塞仕路。得無與僕同哉。獲書審眠食佳。宜順時自愛。

上紫微張唐公舍人書二首

承馳驛赴召。已止闕下。大慰斯文景止之望。假薄埃霧。喜玉體爲爽叶和。乃心慰拊。某久病在告。人事多不聞知。失于迎訊。想至仁亮之矣。幾日入對上。固想見風采。俟病已造朝。得首走清防。謹奉啓陳聞。側聞以言謬出領便州。殊用惋悵。雖然。唐公以直道進。以直道去。想無所悔。但觸盛暑汎淮江。此爲勞煩耳。按六轡走夷道。時時小卻。無足較計。惟實用精神。綿綿不勒。則善。某蒙免無他。又此闊別。相見尙未日。未如惜金何。不宣。

與友人書

比日邊候帖帖。縣官威撫使然。迂儒老斥塞外。但視簿書。弄刀筆而已。河朔少文。每思英語一快談。不可得。詩書之言。鬱結胷中如蟲塊。數用醇酒澆之。猶不平。改歲益寥寥無賴。相見未有期。事外自重。祁咨。

上河間龍圖書

使人來。被手教。意愛勤勉。不啻親接。譬欵于左右。何惠如之。并賜鮭果多種。一一祇領。竊審事外福祚嘉。

宜重爲慰。而祁卽日蒙免粗自如。但虛名浮實。攻者未止。此有以愧于明哲也。嗟遯方爾。無由促臂獲言。但付之長太息云。順時自愛。

張職方書

承教。審榮侍外。履用佳宜。欣慰無量。林花芳淑。尤可把酒爲歡。恨一麾所縻。弗克交臂。徒用悵悵。祁入新歲。病少愈。但未能久坐。于宴閒有妨。老境益不聊。奈何。相從未日。順愛毋忽。

王省判學士書

軍中日匆匆。久不通訊防閑。我勞奈何。塞下幸太平時。無簡書緩急事。邊人帖帖。得輕裘坐閣下。偃息頻伸。督刀筆爲供職。何幸如之。惟罷歸未期。傾企清對耳。事外多愛。

在外上兩地書

祁守屏齷齪。幸脫罪戾。蓋大庇致然。乃心知荷。但平日不敢時通參承。虛煩記室還教。夢想門下。未始暫忘。日來協氣薰翔。伏料百趣宜適。天祐懿德。福祿云繁。光輔之勞。永鎮王室。下情區區。繁望之至。

鄭資政書（案）祁以下諸書詞多感憤。知其出守皆由同列擠排。鄭資政卽鄭觀也。

比兩奏記。一二略具。乃今復賜裁答。熟誨諄曉。不啻哲兄察父之爲。概根澤阜。遂食其實。祁何以克堪。故拜來命之辱。然人情易快。旣得垂憫。遂欲底裏自明。執事試一聽之。祁嚮由從官。陪奉摺紳餘。淺于爲文。

謂至公可必。是以坐彈冠。行振衣。以自修飭。陛下遇士大夫至厚。每一進見。則蓋聽偃容。啟臣下竭盡之端。祁于是時。乘可言之階。有必從之勢。然而咄咄自守。無半言敢越樽俎。媚寵奧者。何哉。誠欲塞隙遠嫌。以全自知之分。而譖人飛語。如脂夜然。汗祛味爆。使人不自知省。會柄臣罷去。祁是以有壽春之行。亦既抵官。退自惟念。以一介莅二千石。據黃堂。馳朱幡。餐錢租俸。褚有餘縑。且內惕不自安。非服不華。餌不鑿。有所未厭。而然也。且祁愚而蔽。與孤生進官于朝。時時著書。上又以爲善。而貌言語。陛下本自識之。不緣先容。拔寘近列。竊謂此恩如天地父母。無有限量。故孤立不援。不烟。冀有以報塞萬分。而實繁之徒。苟欲以名相賤。位相軋。弗亮其素。因共詆而斥之。以甘心焉。祁終嘿乎是。乖小弁愛親之義。損當宁知人之哲。而塵執事引重之德。罪莫甚茲。是故前上章有賜環跨履之言。萬一朝家矜貸。收還宁定。使再伏西清之下。畱須臾。灑肝膽。天衷哀照。令區區之心得自辯白。然後北面昧死上近職。乞從散官。俟夫五六十。擁耒植杖。舍三封之幽。死不恨矣。嗟乎。回次萬故。亦不知斯願能遂乎。執事愛至念詳。僭憂患之處。憂患不極。則慮事不深。是則危心忤辭。不爲得君者發。而曜就下。執事冀有以信之。亦有以圖之。

觀文右丞書

〔案〕宋史賈昌朝傳。皇祐元年六月。特置觀文殿大學士。以寵之。祁知亳州。在皇祐三年。時昌朝監修唐書。

祁去年三月二十九日。止官下。值艾創潰發。四支無聊。至此月初。良已是用未克奏記。毫雖閒僻。綱紀久廢。盜賊總總。勉力操決。至此漸有緒。時時少暇中。前被臺符。許訖唐書舊藁。自以眼眩花頭垂雪。心術昏

倦。實不能從諸公于筆研間。具奏懇免。今又不獲。會遞中得執事所賜書。重複開誨。仍勗以富貴磨滅。惟斯文爲不朽。此事僕敢不勉。正恐闌單淹久。未能成書。佇擬在遠。咨詢無所。爲諸儒詆其疏謬耳。今已走一介。悉索副獎。計今秋可了列傳。若紀志。猶須來春乃成。天使此書傳耶。尙無他患。若其不傳。卽未知使僕得謗得罪。一代之典。遂泯然也。子長孟堅才幾聖人。作史竝數十年。訖無完書。或當時亡失。或後人補綴。況今三百年事。淺猥殘缺。要須補潤。又史官才不逮二人遠甚。雖欲遽急修定。其可行遠耶。願執事更紓歲月。使諸儒悉力論討。庶其寡過者成之難。則行之久。成之易。則廢之速也。諸序論輒斐然譏次。須且具草。仰丐竄定。官守有限。趨謁未期。惟愼夏多愛。

丁承旨書

前日帳屨至。伏蒙以盛什見貽者。玩繹以還。欣悚交萃。竊惟出處二道。取舍殊轍。居山林者。懷偏至之素。在朝廷者。抱均濟之德。非較有用無用。直才與不才耳。伏惟承旨重望偉名。揚歷中外。誦言嘉話。騰布臺閣。方且安處華近。潛懷蕭散。故不聞藏擯。以存時曩。內秉特趣。奮爲華篇。託諷于詞。得離騷之遺尙。卒章見意。臻詩雅之奧樸。夫何衰朽。坐獲嘉惠。藏祕巾衍。銘鏤心志。屬已拜違。不敢再至。宇下。

回鄭資政書

去月二十八日。牙吏至。奉被手教。丁寧慰諭。幃無容髮。熟讀長想。如侍坐隅。義篤則故舊不遺。愛至者急。

難相卹。危心債蹟。差得自安。追念慙愚。偶偕華顯。當伯氏武政之日。明公升櫨之辰。然一心獨行。側身休景。未嘗爭先于當路。失意于貴人。然應螯不觸而來。機牙未蹈而發。例蒙斥去。了弗嘗省。乃知李廣誠感金石。無以喻衛青之仇。賈生思周鬼神。不能救鄧通之譖。謨明居上。乃或蒙訶。葢爾不才。何容無客。所賴容聰如日。仁閔猶天。雖萎斐諠譁。欲成貝錦。而塵埃拂覆。難昧泰山。永惟上恩。曷以論報。但恨楚越壤異。風波道悠。杯酒淒涼。明簪解散。每一念至。危涕自零。執事以二府均賢。萬夫觀政。蒼生屬望。休戚繫焉。又非一介出處之比。惟慎固沖守。垂副具瞻。

蔣待制書

遞中得除日。承希魯進右臺郎。假河東使節。眷任華劇。輿望僉宜。夫治世須才。用才須世。方天下無事。人得以旅進。一日邊鄙小警。匪卓立傑出者。不任其煩。若然。執事之猷。當天子褒進乃才。世和爲用。又何間然。然希魯多難。憂傷之餘。有所未釋。屬且遠去。能無介介乎。邇臣賢者。固與國休戚。頗不憚勤略。以副文武施設之求。幸甚幸甚。僕病且衰。賴陛下賜不肖之軀。俾屏近郡。託于宇左。差得少安。今復塊然失所。棲嚮乃心。惆悵可索言耶。歲晏。辦嚴自愛。

回濠州江少卿書

祁嚮以避嫌弗事。尸祿靡遑。屢伏上前。懇求自試。面蒙垂允。中復畱行。屬以多言嘖嘖。恩詔俄降。忽忽去

國蹢躅之官。尋卜孟秋。已賦民政。郡大事劇。知短慮煩。閉閣自驚。縮手無措。桓譚不樂。盛憲多憂。姑取庇身。罔暇論最。周案隣壤。喜獲故人。一水通流。十舍而近。固常馳寓書尺。走咨寤興。出麾以來。累息未定。氣以憂奪。壯爲病銷。塊然獨居。疾如疾首。弗時通問。當賜見矜。執事以華皓之齡。厲高明之操。人情險阻。旣嘗之矣。俗狀奔走。方與共之一笑之歡。曷日如素。千萬慎愛。以副惓惓。

上張太傅書

伏奉手教。以單訊繼露。特紙裁答。長跪中賜。感涕橫流。某蚤以孤生。仰服嘉造。宗工迭獎。乃聖誤知。冀以一介僕忠。自媚于上。然機牙未蹈而發。蜂虺不觸而來。盜言先入。往訴無路。上塵陶堯。則哲之鑒。次累漢相。知人之明。久而退思。不覺追駭。今遠守劇郡。遠去近班。年衰志失。抑厭遂退。視日雖近。望天無階。敢圖洪鈞。尙軫餘念。勉以道勝。判其否傾。春生意端。澤播言下。墮雨逢潤。有還雲之期。寒灰獲薪。無不焰之理。申誦歆感。銘之乃心。箚領交前。緹油廢業。孤懷萬緒。臨紙難宣。

集賢相公書

月中奉被台教。以疊露沖懇。願還中樞。上心重違。將賜開可。訓曉明悉。美嘆無從。執事以功業格大。以忠孝結主。以外物協同位。以內捷持國維。以徇公絕私保全名。以無入不得道羣累。攝贊萬務。綢繆六年。雖薨尼豺牙。夜脂貝錦。營營左右。翁翁往來。曾無半言敢塵盛德。良以神明助順。宰宰協心。顯誠完節。暴干

天下是以摧輪失險。重剛爲然。成功難居。多聲易啓。免悔者計常在後。辭榮者願或中遷。今執事惻發至懷。委遠時柄。言匪矯飾。志無奪移。此則塞狡馮于未兆。蹈賢者之知恥。望古爲偶。在今罕儔。恭惟俞恩近在旦夕。但恨官守有限。賓謁罔從。不得觀冶城之彷彿。窺赤松之間放。私恨幽蘊。結轡何言。不任瞻戀。踴躍之至。

上杜樞密書

伏蒙執事以奏記上達。每賜還教。恩集望表。獎溢知涯。伏讀收紙。屑然感涕。自念孤狷之質。讒訛見棄。引足蹈機。舉頭觸罟。纖隙一啟。臚言四喧。素無援姻。又乏支黨。出守遠郡。飄如轉蓬。衰病自憐。沒振誰咎。不意明哲乃爾眷存。收于見棄之初。支其將壞之日。無乃孱淺。更累高明。幸忝有知。敢不論報。恭惟樞機權總。調發虛煩。注意安危。式憲文武。左右是賴。中外攸瞻。惟冀餐養太和。充盛靈氣。永翊丕運。以究茂勛。趨伏未時。言不終物。謹奉記上謝。

呂相公書

祁阻奉台坐。再見歲陰。心馳門下。未始寧舍。徒以振拔之賜。本自大鈞。因緣樹立。遂忝清列。固嘗孜孜矜恪。期報萬分。無半言敢干公台。無一字敢預朝政。外防物議。內避親嫌。甘處閒冷。踰越歲序。昨緣出麾之日。倉卒去都。不敢啓陳。陰自循省。得非多言者構虛造語。上瀆聰明。同列者忌進護前。擿發纖隱。雖在曠

度寧不致疑。然妄而無實者。久則自彰。拙而靡他者。察之可諒。今茲改守。始復自安。乃知相君洞照之明。不可以諛入。曲成之賜。必有以惠終。收于遠藩。入守陪輔。使區區之節。爲知己而伸。憧憧之年。無中道而廢。諒非木石。敢負眷私。恩深語訥。無以周敘。惟有涕泗。一寄感懷。到郡方初。詣府茲隔。瞻結凝跂。併萃乃誠。謹奉記。不宣。

回李太傅書二首

祁樸遯不才。棄逐居外。慘慘畏咎。諄諄早衰。危途困于風波。短技窮于刀筆。緹油益廢。書疏罕修。固已絕望英雄之跡。託身江海之遠。雙鳬乘雁。本無繫于去來。吠犬詐狙。徒構成于譴怒。聖恩曲庇。嚴譴未加。太傅盛威美材。尙賢籲進。每惟一日之雅。時墜百函之音。排根末流。嗅照嘉惠。將恐而懼。或輓以推。凜然孤風。足映當世。自顧缺爾。何以堪之。但慮寒灰將然。或遭田甲之溺。投開而免。未解子雲之嘲。徒軫深仁。有孤高誼。歲華茲改。賓款未時。彌嚮粹和。永服休寵。

出守劇藩。已見新歲。光景如借。衰頽可知。瞻望門闌。邈在雲景。太傅高誼動俗。至仁根心。不緣夷險易常。每用寒溫流問。伐木于谷。雖詩教之可收。墜甌在塗。寧智人之宜顧。靜言羈塞。曷稱眷私。春陽浚和。福履加愛。趨陪未日。悵恨無涯。

郭仲微書〔案〕祁以預修廣樂記成。遷尙書工部員外。在貳祐三年七月。郭仲微名正。

比長葛勾簿送到去月十二日所貽手書。旨辭意縷中復增款。具承安奉先域。契闊經總。事亡慮居。紛然百緒。非君侯因儉就禮。罄竭誠信。疇克此役耶。如聞哀棘之餘。未甚支勝。況荷家閭幹宗。事寄君侯一人而已。尤希慎疾全顧。託此區區所望。祗自六七月間。迫于成書。詔限嚴急。早人晏歸。私事竝廢。失于調問。不得齋貺。一助紓者之末。心焉慙恨。于今恨恨。俄屬國家錄紬繹之素。因襲典領。章及下士。弗論歲課。超升郎曹。缺然虛居。進退無所。蓋受畏僭。辭近名。兩者交戰。久而未決。終以事難違衆。視焉拜命。而無功獲祿。始似不稼取禾。素誠涯分。逮此冒忝。又不知士鄉之議如何哉。君侯眷我之深。幸我規。僕向來志外補。間因汙賤之役。諱窮自勉。今容臺吏曹。前金春序。皆當歲滿。舊制。平進者必得假守近州。如僕幸他無過。理宜得一小郡。儻天假其便。且令細儒趣令飽煖耳。伯氏比亦丐汝海。旣而乃有張廔之行。未得如素。今孟冬二十九日。克葬之。窆在陽翟之西南偏鄉。曰三封。地沃而曠。岡麓回抱。善數者頗以爲吉。僕自度之水深土厚。草樹滋秀。雖微筮謀。當是奧壤矣。如楸枰安厝。無他恫咎。則僕自此于仕塗。或行或止。寧不綽綽餘裕哉。詎能與善宦巧趨計較咫尺。爲夏畦之計。此敢爲知者道耳。非仲微心照。固不及之。內開始平公紫微成紀。獻接餘論。未嘗不咨倚廬之淹卹。以爲惻惻也。秋序逾晚。相見未期。乃心西望。言不能盡。

上知己書

罷白州幙罷歸。吏函誤薦。今承卿署。入玷庠門。蓋朝家重達大臣。仁君善養豪士。寧過而立。謂寸有長。若

循之常均。責其微效。方將俛眉于自脫之課。編跡于長名之銓。祇見閉關轉緣。擁耒其敢。睥睨榮位。澡漑清流哉。天假實多人力何有。每欲粗舉感賴。布聞高明。大事裝懷。文致增拙。昨自夏末。及此冬初。三賜誨辭。若見面目。或獎以飾裸虛譽。或講夫戴笠舊盟。玉振錦摛。烟霏霧結。受命之獨。入訂于寒松。爲容在先。更慙于枯木。然心照素亮。兄齒有儀。詎常流世之類風。絢我于虛禮。拜命之辱。非所敢承。每惟髦英。屈見冗劇。黃鍾齒于雷釜。驟躡編于棧鷺。戢其遐心。可爲累歎。非夫不屑之韻。含華之資。孰能不動心哉。滿歲有期。傾否何晚。良食慎疾。以符願言。

景文集卷五十

書

張先同年書

祁頌首。嬰罰以來。餘生近止。朋舊之內。未嘗敢修訴幅。誠以疢疢危喘。禮所不具。亦仁人之念。必見情遣。比以蕤除親窆。暫到都城。烜禁之辰。卽還陋舍。聆伯氏見諭。知子野同年隱惻孤苦。特見存訪。不憚勤勞。泫然垂矜。斯道也。古則有之。民鮮克舉。而君侯躬服前訓。發于至誠。敦世之嫻。會道之極。使陰德有報。君焉避之。方期抒懇。重枉來教。勉諭詳復。摧感交會。儻翫悽愴。未淪野士。尙將游揚萬一。奉歸高明。縷縷之心。所期于此。府掾淹郵。不足露才。良貪慎疾。以收來譽。思緒荒窘。敷謝不倫。幸賜恩體。

王龍圖書

別紙已審。老僕年衰。智有所不逮。閣下悉攻其短。欲成就所長。不惜藥石以瘳僕。僕其愈乎。古之益友。果不在他。而在閣下也。感服感服。到益部。盡勸指使輩。不與一事。物物關檢。庶免于悔云。弛保因酬。牙校弗次。知衆論不然。然越法重輕。是吾輩便宜事。或要一時激勸耳。閣下又能循法改正。可謂善後矣。非僕愚者所能及云。

座主侍郎書

三月八日。門生宋祁謹齋沐獻書座主侍郎。數日前。入侍郎坐。伏蒙以汝陰詩筆一編俾之袖覽。捧戴震汗。罔識所寘。亦旣返窮廡。隱危几。振衣三薰。正冠一沐。然後徐繹篇次。窺求指歸。瞭乎其采也。渢乎其大也。若洞庭之春。始聞而懼。如章臺之觀。三休乃躋。適然得肉以大嚼。杳然御風以忘返。飄飄凌雲氣。乃游天地間。肅肅入宗廟。但見禮樂器。不足喻也。甚幸甚幸。竊惟吟詠之作。神明攸繫。內導情性。旁概謠俗。造端以諷天下之事。變義以寔萬物之蘊。音之急緩。隨政之上下。大抵三百篇皆有爲爲之。非徒爾耳。後雖體判五種。時經三變。音制彌婉。體裁益緻。以浮聲切響相鎮。以彫章縟采相矜。然而大方之家。往往披華于沈宋之林。收實乎曹王之囿。寧其流宕。歸之雅正。是以垂虹蜺。騎日月。而不爲怪。嶠秦山。吞雲夢。而不爲廣。矜蛟首。狀佩玉。而不爲麗。與蜩蟬。比樸樸。而不爲煩。道治世。語幽國。而不爲佞。且怨靈均以來。未有不覩斯奧。而能垂名不朽者也。自唐德有蕩。人文寢微。巷委其欲。披扇成俗。執古者過堯以入貉。徇今者襲魯而成魚。訕怒則咄咄逼人。幽憂則跼跼墮水。摘句則驚離朱。謾語之索。限局則均折楊皇荅之謠。哀微及國。無聞焉耳。至于幽人。苾芻。遞世長往。短章悴句。時時投曲。然皆哇咬聲音。局趣其韻。不足論也。伏惟侍郎明公。稟道至明。爲人先覺。慮含善蔡之吉。言埤金玉之度。三入祕禁。親逢聖期。且以席間談笑。經大猷。以筆端屑寸調天下。贊累盛之布度。操斯文而主盟。而乃念雅頌之淪。軫風流之弊。渡橘成枳。衆雖

靡雄下垂百年者。杳默遺響。于是倡始多士。作爲連章。鈎深縮情。上薄于粹古。促節入律。下偶乎當世。震
枹鼓以疎介士。運斗杓以準四時。復而不厭茂。而有間。使味之相然駭。其理勝。覽之又惘然。忍乎卷盡。及
夫盛氣注射。英辭鼓動。思泉流唇。雲紙落手。諸儒願喙長。而不克誦。小吏懼腕廢。而不及書。此又精入于
神。不可得而聞也。與夫訂錦囊之品。詫寶袍之尊。賦韻競病。咀父管腴。一何區區哉。祗被蒙獎憐。擢廟榮
伍。不以鞭箠之使。俾與杖履之游。手探祕笥。而命成矩。導以真人之譬。歛其屯膏之鈍昏。徒一孤生。而
再受大賜。其何況如之。且慕有道者。折角以效巾。愛太傅者。掩鼻而成詠。況其親接音旨。密激靈潤。竊用
感發。自忘頑愚。謹亦搜次舊詩。得五十首。具藁執獻。昔劉琨遺盧諶以二詩。諶不能曉。乃以常體酬報。斯
文之族。無乃類旃。輕瀆宗工。伏地俟罪。

代與李舍人書

〔宋〕此書係
代其兄庠作。

八月日。廣平宋某謹奉書獻臣執事某。夙以羈單。天薄其祐。年甫弱冠。再銜怙恃之憂。獨與季氏祁。間關
出處。更相爲命。僅荷遺構。以及仕塗。永念及我先府君。奄棄盛世。墓窆都外。霜沐露濡。七見閏月。以時之
不易。久未厝安。夙夜震懼。心焉如殞。乃今卜于許之陽翟。龜墨惟食。將以冬十月。克襄先妣先君之葬。某
深惟古君子有天府道富。高明令終者。則或傳于史官。或銘于鼎彝。或謚于攸司。用能發聞馨香。以昭示
來世。後雖有不肖愚蒙之嗣。猶賴先哲自免于溝隍。嗚呼。若我先君官限于選條。名壅于邦聞。儒林循吏

之籍。莫得采獲。近古大夫不世祿。家無廟食。考父孔悝之器。莫知所施。故事。三品薨。始得上尙書以節一惠。門生故吏之狀。實隔葬制。是三者皆以位不配道。禮從而汗噫。昔人有行高瑾瑜而名滅煨燼者。不可稱紀。諒有憾于此耶。今惟闔石勒銘。尙微品制之間。後裔皆得序餘慶。哀前烈。勤咨當世之彥。炳辭騰實。以光寵九京。僕誠慙煩。樛味無可比數。然世謀忠教。尙能言之。恭惟執事以正幾之才。良直之任。紆衷爲袞。敷言成春。薦紳代家。咸資善述。以信陵谷之後。爲無窮計。是用忍抽裂之痛。以髣髴茂芬潛德。泣狀官代。萃爲一通。敢私布于下執事。重念孝子之奉先也。無美而稱之。是誣。有善而弗知。不明。知而弗傳。不仁。如先君之純之邵也。如彼。僕之幸而知之也。如此。願詫沈刻。以揚遺懿。使小人之責。免于不仁不明之地。齋志之愴。見仲于冥冥之下。非仁哲錫類。其疇圖之。委素歸誠。幸賜哀許。不次。

代求見書

四藩作牧。疏封遠自于東周。三署爲郎。著位近從于西漢。蓋以奉當陽之瑞節。煥列象之珠躔。會玉建茅。遂荒于侯服。薰衣起草。彌綯于寵章。矧上聖之撫期。酌遺文而播憲。擇惟良之守。出佩銀符。與深詔之廉。入持荷橐。洪惟慎簡。瓊絕常均。苟非舉冠朝英。才優伏奏。懿文潤史。振穆若之頌聲。茂績揚庭。負驍然之刃地。則何以高驥上路。端遇休辰。褰赤帷之裳。英風偃俗。辨雲臺之鼠。清讖造微。將副疇咨。必歸全德。恭惟閣下降名炳著。淑問橫飛。挺珪璋特達之姿。稟松柏後凋之操。門施行馬。敝立戟之舊扉。家有賜書。襲

傳經之洪業。而自垂蜺舜陞。施玉星藩。風生廣漠之才。幅湊虞丘之略。陪佳入于汾水。夙侍庶歌。諷子墨于長楊。屢承乙牘。武帳詳延于體貌。翠綏密邇于威顏。乃至盤錯求材。銅鹽推利。派分毛舉。無簿領之沉迷。粟腐錢流。足縣官之仰給。果注穆清之春。游頤深厚之條。輟閨籍之凝嚴。樹方州之景式。劬農興務。從襲遂之便宜。鑄令移書。用薛宣之條教。雍熙盡擊。棠憩有餘。固以轉嘉頌而上聞。掩前修而高出。賜金增秩。下綠詔以褒功。書笏珥彤。趨赤墀而建議。發于傾畫。布在輿談。矧某塊守常慮。欽聞殊政。陶潛三徑。未貸于先疇。揚子一廛。早參于編戶。雖復寢尋筋燼。薰灼緹油。歎遠壑以屢盈。鋪上珍而未聘。懷鉛就學。曷逃僉父之譏。燥吻成書。終抱壯夫之恥。未卒諫垣之業。遽鍾何怙之悲。委昌志于當塗。鬱隆恩于擁節。明年驟改。散魄甫還。固合削迹亨衢。棲情故地。啄蠶希古。與慢以相成。抵几論交。垂文而自見。然念箕裘可嗣。堂構宛存。瞻晏子之舊楹。曠僚未幾。泣范喬之遺視。高矩尙新。苟休否而靡傾。虛不言而姑失。將徵利見。用策蒙亨。幸遇閣下。敦篤道風。勤求士類。清言格物。佇越石之談賓。右席臚歡。誤當時之算器。是敢躬陳爵望。求覲表儀。有周璆下榻之知。無趙壹倚門之嘆。雖高冠厚履。慙非燕趙之奇。而進牘抽毫。願處鄒枚之右。將披符采。豫極怔忡。

上潘鄧州求見書

晉卿執手。然明才止于一言。韓牧寓書。太白靡榮于萬戶。蓋以鑄聞介善。遂聽休風。肆嘉議以盈庭。披粹

襟而嚮道。伸于知己。按油素而具存。垂厥方來。屬臚流而有在。敢緣斯義。罄敝由衷。竊念祁寶異荆璆。利非楚鐵。采藍終日。妄希一躬之盈。削牘彌年。未足三冬之用。幸以時丁魯變。連偶堯稽。搜屋壁之亡篇。集橋門之盛觀。五尺童子。恥王道之不談。三事大夫。美人材之樂育。外被嚮儒之化。中勤辨志之功。漸暨彌文。寢尋高矩。充車聯駟。雖力翼于論都。毀瓦畫墁。終遠慙于食志。尙念世襲相承之絃。幼聞獨立之詩。策鷁乘以載驅。礪族庖而一割。每至雪園授簡。月觀裁章。頌聖主之得賢。王褒釋蹄。感儒林而作傳。太史廢書。曷嘗不概見萬殊。精浮八極。辨國異家殊之政。窮王馳窮。鶩之原。誠欲接充賦之珍翠。當造庭之清問。森羅三道。振穆若之頌聲。磅礴九流。冠褻然之舉首。至于博求前載。明練庶工。論鹽鐵于縣官。財成經制。繩春秋于臣下。專附舊章。翼景化之猶那。濟羣黎于仁壽。見諸行事。是乃素心。豈謂質以願違。歲非我與。值所天之早世。越散地以無圖。塊若尸居。寢同匏食。劉楨綿痛。但議于竄身。令伯私情。永懷于終養。僅成齋志。寧暇充宗。擲昌辭而翻悔。立言委秀句。而真同長物。莊生晦迹。惜棹散以難彫。邢劭進身。恐花狂而自落。永言孤遠。益困沈冥。儼勇退而自謀。必倒行而違誚。比者幸遇執事。褰赤帷而莅政。紆文組以班春。泥札十行。奉溫純于漢令。吏衣三寸。革舒緩于齊風。邑罕鳴桴。里無喧鵲。然猶盱衡獎善。撤席登賢。徵相如未至之詞。移談靡倦。設文舉不空之酒。更僕居多。祁是敢撰禮屨以祈通。造宮牆而謹見。雖滄溟甚廣。集乘雁以非多。而借蠟至高。受纖塵而何讓。儼或俯矜宮陋。靡問柴愚。許親月旦之評。俾觀山庭之表。然

後敍長世字毗之術。談經天緯地之文。質以大中會之前牒。庶使深源雅議。落孫盛之塵毛。暴勝起迎。偉不疑之樞具。將披符采。彌積震迫。

上端明龍圖書

祁性疏拙。無當世才。宜在閒處。而反劇任。自壯多病。筋力早衰。宜守內州。而再徙邊。業圖史。尋章擿句。宜貴以文藝。而乃假帥。所學非所用。所用非所官。日恐速悔。爲知己羞。奈何。歷思常日以忠義相摩切者。三二貴公而已。而閣下又以多難去官。憊然不與天下議。埋光收聲。已再歲。若僕等輩。才不振則踣。去邦突。未黔輒遷。其望立功名。是卻行而前耳。且年長來。亦自恥與諸少年沾沾鬪仕進。高下惟須閣下副指。紳望人侍天子之光。爲僕致一東朝散官。歸老林下。宿昔願云。方侍尊府。宜厭損哀慕。以全禮制。

范舍人書

被教開慰諄諄。中復無已時。幸甚幸甚。僕假節寒下。且三年。賴縣官威令施設。肆然以朝服治軍中。無他虞。承平之盛。不知漢唐時得如此否。但總制一面。刀筆倥偬。亦逼人。月中勞宴寮屬賓客殆過半。常日操決。踰兩時許。乃得休。是以少有餘景。繙討殘書。常苦力不足耳。比又昨子晷。晝日讀大字。過十紙。卽眩。纔篝火。則又不能遷延刊削。奈何。近得三十篇餘。歲中附上。夏暑。歎毒獻替。慎疾晏陰。叩叩。

上張存龍圖書二首

白首乘寒。無一善狀。賴朝廷撫和。邊堡帖然。雨暘以時。農秋如可望。盜賊少。吏益奉法。蓋監司條約明具。使然。列帥之幸也。使糴日來。浸少。纔得十六萬斛止矣。若秋大穰。必冀外臺早爲之計。天下本在河北。河北本在多穀而已。盛秋使車必下按屬城。餘得而稟。暑毒保御多祐。不宜。

符檄係至。覩署判。知玉體之康。然宿官塞下。不得瞻顏色。奉笑言。爲悵悵也。弊邑按部中諸州多稼。若雲向雨。句許無他災。則擎斂矣。茲上繫朝家普護。使臺大庇期民。其少紓乎。入粟之法。望力言諸朝。此時不足食。大事弛矣。惟執事圖之。秋淺暑殘。千萬嗇愛。不宜。

同劉皇城書

祁再拜。皇城都鈴君足下。得書。一二具曉。足下才美意盛。視功名若無前。故奮關西。搏嶺南。奪三軍之氣。欲蹀賊頸血以獻。快上所怒。當此時。視身一鴻毛者。誠事主固然。然足下之南。失職在後軍。不得與儼刃接。既策賞。足下誼不因人取封。故毅然引組而遲遲也。及見賊已平。四方無虞。復請爲南宮郎。當此時。自視四體不啻岱山重。則事親亦固然。令父必前言以自信。雖然。忠孝者天爵也。取之難兼。今世享人爵太過。以爲畏。足下全邀天爵。正恐取舍先後之未然也。王尊取忠。則不盡爲孝。王陽取孝。則不盡爲忠。古之人肯遺力待後人哉。以不可兼故也。縣官革五代流弊。擢儒將與武夫參用。自劉平以來。未有赫然爲國柱石者。今所瞻望。惟足下與劉恩州耳。足下又偃蹇引去。世謂儒者果無人焉。願足下思之。然已爲足下

極言于上。慮臺旨必切卻所奏。敢以書豫開足下意。其諒之。不宣。

上吳大資書

比承還祕殿舊職。復守陝郊。讓不得報。卽引而西。自止官下以來。動止何如。良棟大壁非期于必用。而明堂太壇其舍諸。帝簡具瞻之任。有以而然。伏冀妙用純粹。永光眷倚之重。懷懷守塞已一期。幸無他。然白頭與噲等伍。蝨股衰怯。未如何。

上賈安公書

慶懇已具啟事。不敢重煩。卽日蒙恩。職事粗辦。斥候頗晏然。大府中約嚴明。百吏凜畏。賊盜少。營伍安。諸道守邊之幸也。弊州倉廩素乏。昨縣官詐作五歲計。今已督吏便糴。未知可盈厥數否。若食足。亦是禦賊一端。至城池樓櫓。已經營整緝。明年差可完固矣。騎軍人多馬少。三分其數。而馬居一。一分之中。病老半焉。中國所長。惟有強弩。今乃步卒至少。與騎軍一例住招。比上書言之。不報。其軍無馬。終不可爲步。所習異故也。馳逐當得精騎。今馬少而不精。踏驢當得步卒。乃闕而不補。太平久。弊事相仍。不肯改張。類此。幸相國試籌之。某衰老怯懦。未得罷歸。日虞墮官。以忝知己。殘史未了。或得卻歸闕下。畢刊修之業。亦幸也。庸敢望耶。肝膈非筆墨可寫。惓惓惓惓。不宣。

上李相爲撰燕子樓記書

尙書刑部員外郎直史館宋祁惶恐竊惟相公以大猷全德承弼兩朝以善經美化倡導羣辟彭門巨鎮爲國東藩均賢倚重久煩耆艾而報政之裕考室其與攸莘而躋實輪且免馳索斐狂之作俾謹日月之傳聞命淹時屬辭無狀且念楚宮揆日列在國風趙室歌斯著于禮典皆立言足志故千古克傳今茲訂況有殊前範經始邁于衛晉而稱道非詩人大夫之賢所以含毫沮惡久而不獻然雄成悅使之績不爲無文而廢輒譔定記草上塵省覽審若疎謬蕪累恐辱琬琰伏望撥去別咨名才誠區區宿昔之願歲隆日晚蕃嶽靖安望副具瞻保御和理

與友人書

帳屨至辱教款披阻忘倦知軍壁務前神用康和固已慰遠懷之心寧徒爲納褚之蘊矣來誨訝音驛之少蓋有由然僕二年來疔瘵纏痼略無聊賴仲秋納艾三次方克少安逮此冬序寢完殫力故儔相見無不閔其疲瘁白髮在髻月摘十數莖則知少壯一過遂及衰彫矣今茲情態與五年前異矣君侯望我以苛禮容未之知耶遂土早寒戎幕多裕把酒開口誰與相歡善護興居用副虔祝人回謹奉狀謝仍咨訊後動止

上杜密直書

謝懇具啟茲不申敘嗣覽別幅彌見勤喻明公安節素履著于朝野美績隆望式是方維而乃恬處難進

哲人君子無入而不自得也。其休甚休。然而議者不以明公淹恤爲慮。而以臺家未召爲恨。天下之寶。庸爲天下惜之。伏冀愛神。嗇慮。慎持齋疾。以副惓惓之願。心有精妙。非筆舌所宜。恕此粗略。

回天台梵才大師書二首

惠新詩。格力老雄。不任欽伏。偶答秋興十章。并邀韓長胡武平同作。聊助道齋清諷。此乃掉戰。公更當出師否。噉噉。詩序中有公資能詩。今石刻乃公資于能詩。若添于字。不成語。切冀減去。

比得教。并近詩累番。啟封熟玩。洒然如眉宇之相對也。承病惱益怯。護念後進。道化流行。欣慰。兼之僕晚聞悟。衰疾萃于末年。髮白皮者。不類平日。朝未棄捐。得復還近班。公又老臥故林。無再相見之期。惟是筆札時通。可代清晤。公其因南風之來。時附慈誨。爲僕之醍醐。燥漑俗諦云。餘則勤靡藥。珍重安穩。不宣。

回楊秀才書

祁禍遷不天。孝虧養志。竄先廬而待盡。指螭李以偷生。營魄震遑。冥襟替亂。變儒裘氏。曾無競墨之功。俯手周南。遽奉成書之託。清揮奄謝。危涕無從。慨握手以何言。分閉關而卻掃。幽髮中潰。摧裂日增。晉以明而自煎。鮑因繫而不食。稿項黃馘。徒極于困窮。葛被練裙。未知夫自振。永言淪塞。合軫眷私。宗禮茂才。凝粹道樞。垂光俊域。嗣關西之洪冑。酌泗北之浚波。解牛三年。固有游虛之技。養鷄十日。雅多恃氣之心。挺秀業以自高。鬱雄飛而且久。不謂未忘求舊。遠辱贈言。大形推挽之辭。揆舉陽秋之節。堅踰投漆。利至斷

金雖遜仰于風聲。若躬聞于警效。致之佩服。安敢弭忘。夫何不肖之流。可辱非常之遇。再念西河索友。嘗接游從。東都受詩。素聞風義。橫經馬帳。識夫子之文章。接武鱣庭。辱郎君之謙下。遠離未幾。蹇剝相仍。悼脩夜之不暘。憤瓌姿之晚就。永思素志。何異空言。而又特軫賤軀。遠形緝旨。念棲遲于衡闔。許翔集于慶門。俾就素功。克揚遺懿。況祁定交滋久。慕義寢深。附腹背以求安。充海淮而俟化。吳中子布。雖有愧于大巫。西漢倪寬。本無辭于都養。緬惟懿義。深契夙心。其如視四壁以無資。售一錢而未直。困淮陰之辟食。適足包羞。駕龔勝之私車。安能致遠。用茲循省。益懼淪胥。既援手以未遑。徒撫心而自愧。仰惟多可。俯諒由衷。緹律方初。青陽肇啟。攷祥之吉。諒膺合于清襟。冲氣之和。故克充于大宅。更希加愛。以副願言。歡益未由。悃凝增劇。

上侍講孫貳卿書

〔案〕本傳所以孫爽舊改大理丞國子直講當在此時。

二月二十三日。景陵幕佐朱祁。不敢顯然布幣。有請竊因伯氏附書。以私于下執事。祁聞多材輯而華廈構。衆竊號而大樂舉。黎獻竝而本朝尊。故一本無當于概霄之巍。榱椽不得不而備。徒歌無當于撻金之盛。曲張不得不而諧。妄人無當于摺珽之儀。官師不得不而具。必待豫章之幹。則匠斤有時而輟。必須嶰陰之瑄。則伶簫有時而默。必竚巖築之賢。則邦采有時而乏。故善工不擇枉曲。揉之以就效。知音不廢清濁。縱之而投雅。至鑒不斥葦賤。詭之而責功。用能收造天之高明。鼓蟠地之盛則。暢橫古之休烈。三者殊

用其揆一也。國家翕受葆命，混同綿寓，以三代文物昭明其志，以萬方圖籍休懼其勳。乾粹坤厚，金輝玉振，南薄蒼海，北戴斗極，協氣所薰，甘澤所漉，淪骨至髓，回首面內，聖上以帝虞光華之懿，執周家彊競之道，勤循審訓，以當大卜，故號榮容典，烽涌電照，雖臣下使自盡，而不敢少望清光，方且退託不明，思近有德，伏惟侍郎公內挺國器，親逢聖旦，以卓詭切至當上之心，以光輝篤實司邦之直，入則從容言天下之事，出則開陳使人主自擇，負日月，垂虹蜺，至誠淵冲，盛氣玉色，非聖上敦敏聰容，皇矣臨下，不能倚執事之重，非執事華皓魁壘，毅然一節，不足引聖上之顧，君臣感會，亶古無比，天下之譽，四面而至，當此之時，衆善可裨，國論必經，公慮片言可迺，治本必關公聽，雖輯材之急，號籟之竚，竝獻之尚，弗先于此，則執事之純誠素蘊，已可知矣。將欲市骨求駿，得十取五，收樵悴以備姬姜之闕，施根柢以充萬乘之器，宜乎鄙生距躍末路，徘徊盛時，希衝風之末，求一割之利，不爲過矣。惟明公少加憐焉，祁生而驚疴，長而屯險，進與仕次，見羈簡書，跼翼展墮，捫竅都塞，日親領簿之猥，蕩爲風波之民，其慙愚冥頑，則明公識之心也。雖然，自謂先狗馬填溝壑，未知效死之所，插齒牙樹頤頰，可陪諸生之後，又況年歷之尙壯，筋力之未衰乎。方今學術頽陵，細素剗敝，上不能抗處士之議，下徒以充掃除之器，況能謀王體，協天載，見之于行事，喟然動衆心者哉。頃者臺符屢頒，欲得明曉經術之士，以備訪逮，公卿大臣未聞以士爲薦，且夫察伯樂之圖者，千載無一驥，詭王良之遇者，一朝獲十禽，必也無其人，則願以鄙生爲請，今歸窮上叩，唯命是聽。

執事其剪而棄諸草莽。亦惟命。以人而廢其言。亦惟命。若惠顧一日之雅。微福先君之祀。拔于煨燼。生以羽毛。請爲上言。俾寒詔旨。使得充下館。備冗列。游精藝文。畢力補綴。長言足歎。紹乎崧高。撥要著篇。別其朱紫。則是執事于我。生死人而肉白骨也。至于靡頂踵。墮肝膽。以報厚德。則鄒魯之士。多能言之。不足以煩省覽。直摠憤懣。以上左右。執事其辱裁之。不宣。

答友人書二首

癯蕭孤生。羈僑外邑。苟延危喘。未遑幽墟。甚邇有朋。無階修問。公初二兄。忠利惻發。慰誨薦臻。招其離魂。還之司命。約禮申勉。振乏垂矜。雖哀憤之積中。知銘藏之有在。頽俗不競。聞風自敦。寧惟支離獨荷存卹者已。曹事殊冗。仕路所基。愼夏加重。至禱至禱。

祁泣血再拜。頃嬰家艱。歸伏田里。未就殞滅。苟閔朝昏。期祥過駒。生意如髮。平昔恩館。自絕訊函。亦祈仁者。寅諸禮外。比者。聞于道路。承集寵靈。正位冬卿。出屏王室。天下儒服。抗音流詠。祁執喪雖苦。荷德是深。方倚苦廬。不獲躬拜節下。卑情無任震塞攀違之至。

同李從著作書

自屏書教。勤勤懇懇。慶其進又卹其退。終于慰且安。文美意周。熟復彌日。然似與僕行事不相儲。故粗舉一二以曉。僕愚且陋。無可比數。上不知其終。由孤生未十年。使著籍司馬門。又五年。舐筆竊下。當此時。諸

老生刮眼駭嘆。謂能自結明主。迭獎互成。遂使名浮于情。屬公序自學士參宰政。上獨念他日進擬。必以親避。則抑不得官。是以翼目有天章之除。僕既荷不貲之恩。日夜惟省自責矣。不可不自愛。故孤立絕私。辭劇職。就閒處。窒謗虞隙。恐孤主上所以擢任之意。會右鄙小警。朝議過卹其勤。臺閣之才。往往持節走塞下。視方略。僕見上憂勤如此。竊不自安。以爲材者行。智者慮。拙者助。則賊不足滅。因請問伏青蒲上。願試守一郡。盡力率歲賦。安元元。佐調度之餘。上輒可之。事下丞相。中格者數月。適曾公序罷去。俄又僕得請壽春。是以議者未究其詳。皆謂僕軋于常路。而弗獲升。非也。僕素自爲計使然也。且吏二千石。古諸侯之貴。百吏六曹。仰而承風。裒善良。檢儉狷。逮療詔瘡。以佐縣官。詎可爲輕耶。董仲舒。蕭望之。世以爲如何人。皆經爲之。以名自顯。僕顧材庸。第畏不職耳。使少知治體也。誠樂處之。願足下慶我而已。至乎慰安和勉。則愛至者踊躍爲之。僕不敢辭。詩曰。大夫不均。我從事獨賢。僕乃今始得與搢紳諸公均賢其勞。決非介于此處。旣已解足下。并以爲謝。

景文集卷五十一

書

恩梁同年書

祁頓首。去年仲秋。修書講好。辭固宜答。道遠有忘。筋驚節疏。懶與慢會。因循軋思。闕修報章。近者希凱到都。復紆手教。垂諭情旨。彌篤感愧兼盈。承紙尾之緒言。結盆歌之凶變。情所鍾者。痛當奈何。矧惟高明。鼎盛年德。鰥目抱不暝之痛。桐枝有半死之憂。此河陽所以悼亡。孫楚以之增重。至于達觀。或不皆然。西方有人。以情愛爲纏縛。漆園之吏。營生死于浮休。用是而觀。則人事芸芸。徒一大夢之未寤耳。又胡竊竊然執幻捕影。自生荏楹之別哉。伏料高懷。已索斯妙。時有所滯。敢用此規。縷縷之誠。不獲文致。至悚至悚。

上外兩府書

祁惶恐。陪輔密邇。旦暮剽風謠之末。恭承保御和理。臻集多福。區區庇仰。私用爲欣。比間改圖三事。招紳莫不南溯。然而尙領藩要者。蓋天意以耆舊更任。不欲頓煩廊廟之重文。執事委達時柄。以完冲尙。今茲坐鎮。切爲執事安之。但官守拘縻。不獲一侍翹材之論。此焉瞻悵。與時偕極。郎吏禮具別幅。恃眷敢以重申。

與王秀才書

仰祇職居。不逮私禮。傾迦聲槩。翫存鑒寐。遑數不能終物。盡言愿于無文。所以臨風永歎。捉筆中罷者數矣。邇來履中不審何似。夫福有基者。天所嚮。道可悅則戰而勝。材以七年後露。否及九爻而傾。此數事者。自兄度內耳。固不云也。若其荆玉本以禮天。岱雲止乎潤物。今以良工未睨。潛蟠未階。便欲蘊璞永已。觸石不發。此鰕生所以爲邦惜士而助君張目也。況山臺樂德之際。雉梁歎時之秋。勉終令岡。以取來譽。千萬千萬。信信聊此咨問。

上安道張尚書六首

〔案〕宋史列傳。張方平字安道。

自承天水之命。側聞固讓。讓不免。已過闕。將遂西。讓之固善。讓而不固。免亦善。雖僕爲閣下計。亦無易此道。有仲屈時有鈍利。不可迂也。但暑赫若此。又有次舍之勤。得無憚耶。或可須秋行否。緣奉侍尊府。理宜審穩。以是執曉曉者。可乎。閣下圖之。某到鄭一期。病乃過半。疰癘殊可駭。他懇侍面乃究。肆覲方度。千萬慎愛。不宣。

比日歆蘊體中如何。承已陞辭。必外舍稍稍辦嚴矣。進侍話言。日日以冀。某蒙免幸無他。民間閔雨。俗擬坐閣下。頗不遑。癘老日侵。歸計未能具。冒祿娑婆。此嘲何時可解。須相見宛言之。不宣。

邨久病不聊生。昨見故人。不啻距躍之三百也。然耗氣疲神。未克支久。是以不敢留。追尋之行。撫枕騷悵。

情不能已。僕之病方力。恐不能自還。幸而未死。方丐解官就醫。夢幻泡影。素了斯理。不足可恨。但所蘊未中。不能忘懷云。願閣下早歸。三事爲有道者幷幃。庶舊物此時一見存錄也。憤齋戰疾三者。皆閣下所長。僕無以獻言。惟乞加思而已。若處僕者。則閣下已賜開喻。更不干請。西道次舍尙賒。寵奉尊府。想不爲勤。

比帳下東還。被教渠渠累紙。亟啓疾讀。釋然若利箠之刮翳。雖臨玉池。入金室。不翅其快也。祁甚恐。何以堪之。閣下旁適而多可。謂僕可教者。引內藩籬而遠示奧窔。宜僕怖河漢而未敢前也。未敢前者。正懼寵辱喜懼痞澁結轡于胸中。祛濯未盡。時時爲冰炭竊舍。不得盡如閣下所教而爲負耳。然敢不自勉焉。外物蚩蚩。元無痛癢在己。強引客以廋主。破所重。成所輕。真可鄙。然但知之易。行之難。行之易。終之難。賴僕年長。閱事亦多矣。悟之在勇。不在遲。閣下按車而行。僕他日願執綏焉。僕三到玉堂署。雖日嚴近。然實閒安。使以無何有之鄉比。祁生六百石。爲已過矣。此月二日入謁。纔勝舞拜。自此庶殘喘尙存云。勿念。月中遽傳書教。存慰諄諄。不啻與臂歛接承。比來玉體佳宜。甚休。且因從祀。對一二故人。悵然念衰冗之在外也。然足下明哲。僕與知之。故僕之遠守。宜足下憫而思也。僕于世事素昧。往往以拙取憎。直招怨。以疎謬爲人斥。且排內自省。亦何負于心。然益知詩書之不可盡信也。片文隻字。僕不敢讓。今憔悴乘邊。適其所短。幾何不諉。司敗耶。方欲以此訴足下。俄聞有秦亭之行。則聞關騷牢。不侍僕言。而足下自嘗矣。龔

相攜霄漢。今相卹梗蓬。可噓噓大笑哉。大抵士出處進退。誰爲才不才。惟言命者近之。命者亦偶然耳。既偶而然。是不常然。故古人謂之天。天而不我推之曰命。僕今過天命既六年矣。雖甚愚。寧不少知。故確然以忠信自信。窮歟。命也。達歟。亦命也。未始戚戚乎胸中。嘗聞知恥者近勇。僕將知恥矣。念與足下別且數千里。相見何時。輒道此以佐足下之鼓而西。不宣。

比聞東還納節。謂便入輔政機。今乃回置計臺。意者欲執事周知天下盈虛輕重。然後付魁柄。總方略。翊戴天子而爲賢宰相也。民瞻顒顒。德望已儲。惟沖用神觀。以副搢紳繫仰。衰老在遠。禱戀以之。不宣。

文裕待制書二首

〔案〕本集張蘊碑銘文裕乃其次子。

間得答教。承朝謁外體況佳彊。釋然喜莫如之。拙文上呈。殊不加詆竄。云何。今繕錄納上。誠無以暢克構之永懷。發九原之幽光。非不勉也。技窮此耳。侍面未有時。安養道和。

巾金之賜。乃孝子仁人之贈。不容爲讓。僕有一說。今文裕方立石造樓。百用差廣。僕願回獻左右。以助成茲役。亦朋友通財之義。幸悉病臥窮簷。自寫不得。某自六月十四日苦寒痢。迄今四十餘日。未能平。肌肉瘦盡。惟存皮骨。方謀解官尋醫。以救殘喘。餘不及一二。

代回鄭州陳相公書

伏奉去月書教。以將致所事。露章上聞。垂顧幸僚。并示餘誨。詳究沖執。彌用震驚。竊惟相公執事。著範元

功出藩人輔。雖高年俾艾。而圖任方初。天輸福善。神明增茂。寧容遂抗遐節。弗顧具瞻。推求典冊。實有前比。在漢丙吉胡廣。在唐英國汾陽。皆勤勞王家。恩不得謝。以今訂古。何所致疑。默料聖襟。必有褒答。惟上體眷佇。卽廢素懷。縷縷迺誠。與朝野均望。謹奉手記陳謝。不宣。

回李端明書

自去七月到官下。見州人于時秋陽酷甚。病悸交戰。日閱一日。中心益不聊。迄冬。體稍強。乃始親事。而郡大訟劇。十倍他治。每上黃堂。則鈴吏執簿。魚貫而前。卯坐至巳。乃食。未坐訖。申乃息。本圖藏疾。反更職勞。牽勉愚暗。不能無悔。但聖恩寬大。依違兩養。卽日未煩司敗耳。又年長來智慮昏懈。或時有不得已。作書謝京師一二貴人。過三紙。則黑花滿眼。筆不得下。嗟夫。壯時一過。駛若鳥飛。前去衰景。直不滿五。則身外譽沮。又將規規焉銖較毫計。得不爲可笑人耶。惟是平昔交遊。以文史相樂者。每風月嘉踐。裴回念至。則惘然久不能平。適會里人自韓城來。出君侯手書兩紙。亟啓疾讀。曠如披錦。不以孤外。眷之一情。收函馳想。感溢肝膈。且許近旬。君侯鉅賢。均勞作鎮。稔飫民望。宜其神勞。斯人式歌。輸和叢美。日介而福。況上之倚而相舊矣。君侯雖欲避去。其可得耶。惟千萬慎疾。以須進拜。若僕也不佞。始爲君侯推轂。自經生入書林。陪從官。切劘博約。十九年矣。而材不副位。謗由中發。尙得以吏二千石。退守近游。揆之空疎。所獲已多。若君侯以爲無大故不棄。猶冀入輔之日。爲改僻郡。使煮藥扶衰。以全吾軀。俟夫五六十。乞朝還職。歸

三封之下。以奉墳墓。宿昔之志也。凡不知命者聞此。謂爲不情。非君侯知心。亦不及此。惟垂卹之。幸甚。

上葉道卿書

別日如馳。行復三晦。乃心凝黯。譬枵飢然。茲固不一二述也。惟行臺止部。必驅按屬城。上班條詔。次卹民瘼。威與愛克。斯人大和。則福咸宜。而神所勞矣。祁仲秋肅。勉與朝參。寢及霜序。積完筋力。每念病者宜藏。山藪賢者常服王庭。僕之與君。反此留去。茲又悞于珥筆。慙乎續貂也。雖然。代言須才。正應朝闕暮召。惟千萬良歸。爲吾道寵光。虔企虔企。

上陳州晏尙書書

祁惶恐。奏記尙書執事。伏念經道右馳。孤懷南住。迫分爾職。遂限所天。時剽徒謠。聆樹嘉政。旣大庇于善俗。復見勞于明神。福祿具蕃。優游至適。比華從事至。具道執事。因視政餘景。必置酒極歡。圖書在前。簫笳參左。劇談虛往。適句幕傳。第養園吏。天倪之和。不卹漢人。淮陽之薄。非天宇泰定。國爵屏榮。疇及是耶。然有樂者居。且同憂。無愠者後。將復喜。人望彌切。皇揆斯隆。苟舊人是圖。則政將焉往。鴻渚詠曰。歸之句。龍門期可見之榮。今茲少留。願姑安節。不任區區瞻禱之至。

上外任兩府書

懇素略具前幅。祁連年多病。生意不聊。托茲有痊。漸復強力。阻奉問燕。出入三年。眷然餘風。戀與弱劇。雖

聆易地全管。任寄愈隆。然議者以邦華國範。不容久外。之我兼濟。更爲藩垣。有道之人。鬱悒均恨。惟希葆
尚和粹。俾熾福祥。歸步槐庭。徐程天載。斯孤生之至願。

回章和公書

使至伏蒙台慈特賜手教。并鄧國太夫人功行一通。且以先遠有期。特令譔述。誦誨祇命。震惶無所。竊念
某一介蒙淺。樸學陋孤。由章句篆刻之微。承訓謨演潤之乏。用過其量。憂倍于勞。姑以上荷包荒之仁。次
麻宰物之施。吮毫漬牘。苟庶官守。若乃圖金刻石。參訂史籍。奉揚慈闈高世之風。追慰寒泉終天之感。則
碩彥鴻筆。朝有其人。區區小才。曷足以辱。必若驅蚊負嶽。課斗挹漿。非獨露鰥生無實之譏。亦以累明公
必器之使。敢希恩造。曲垂矜免。自餘惛愒。卽俟涓日請見。更申敷叩。

上朱資政書

自開台坐。稽奉信函。比領風謠。審安福履。病悵忉忉。差用爲慰。西都舊多麗鑣名園。寶坊勝宇。伏計臨撫
之暇。駕言造適。足以據幽蘊。擯世紛。徜徉蕭散。助嗇和理。然後徐副羣望。還總鈞陶。誠中外至願。非獨孤
生之拳拳也。

葉道卿書

上春獲故年仲冬賜教一函。續于遞中奉季冬親筆及和章一解。窮繩發視。歡無有量。非寄通遺迹。久要

不忘者。時逮此耶。申詠來什。尤爲傑思。褒愛之外。自存清警。敢拂簪笏之塵。藏弄永爲至珍。追訟所獻。通昔慙疚。唱者虛往。和者實歸。永言恭佩。期于無數矣。承行臺按察之餘。調甘煬和。兩荷繁祉。蓋光亨之有聞也。輒因遠客持信。咨此日動止。

上西洛宋資政書

迺者閣下奉違禁塗。榮主留籥。卽者孔邇。開府載嚴。乘春布和。嚮用五福。聞問欣竦。實百倫輩。某近緣假令。控誠于朝。獲賜告休。展慕韓邑。沂渠登陸。出入再旬。北還上臺。官事叢併。參候之禮。罔獲具通。然至仁矜憐。自必蒙恕。重念睽遠。台席黯結。士林疏宗下才。尤失存庇。飢渴教導。無可寄言。但陰萌于心。銜德無改。西迎之日。得與棄席踦屣。累舊恩于門下。則私誠畢矣。韶序滋晚。惟祈體國自愛。辱知不敢更具公式。致同年書

雖之爲別。倏半期矣。內纏創潰。日就衰頹。墮顛耗目。忼日惆辰。譬墜雨寒灰。無復溯霄塗。揚氣骸。矧能睨英俊之軌。交箋檄之禮哉。就欲招還魂。馳列衰緒。未足自達。況乎有文。同年十三兄至仁根心。高義跨俗。遠自江外。薦流書指。理卹加等。愛獎踰涯。必欲肉其枯骨。相其埏埴。諒非心照。曷臻此焉。早孤之人。生意久索。平昔典學。寢爲空疏。焚焚向隅。宣謝無究。惟賢者恕其不及可也。竊知便時都邑。夙駕西轅。方將蒙露窮秋。叱馭難道。以半漢之壯。屈羈縻之冗。時有未偶。處之何疑。惟冀含德毀方。陶襲天粹。循塗陟狀。亦

足雪雁門之跼矣。荷顧惟舊，敢以此規。至虔至虔。

葉學士書

自嬰家棘，久屏農疇。旣日悼生，扶衰續喘。近于季夏，已及外除。病腴甫興，神明覩耗。早者亦聞道卿君侯，奄遺偏罰，結痛終天。顧禮自支，順變爲正。自僕苦由未幾，山陂且長，制芻莫仲，贈綏都闕。日省內訟，不啻刺芒。仁人多恕，亮其不及。比榮侍外，履用持勝。某，畸人也，塞難齊汨，志局摧頽，齒䟽髮禿，理當藏疾山藪。所以戀戀梁稻者，直以細孺仰給，有飢寒之累耳。必揆秋杪，入服官經，切恃眷舊，敢殫底裏。清親匪邈，他略不書。謹此伸謝。

回田太博書

比者太博執事，取路敵藩，休徒征傳，略茲道舊。俄爾傷離藥餌，不足止過客之行。山水有時，愴將歸之送。乃心如結，曷日而忘。重以去國焚驚，年晚晚一以悼功之弗立，一以遭謗之未明。怙臆于中，紛驚可畏。博策挾冊，其有亡羊之嘆。茂李僵桃，同救蠹蟲之食。此爲悵恨。夫復何云。搖落寢深，寤興自愛。

丁王張三學士書

祁雖已入直，然猶苦河魚適謁，急灼艾潰膚，以逐寒疹。墜賜詩筆，距躍無量。方呬假中，輕率蚩鄙。上酬嘉貺，輒用通聞。他懇區區，俟侍坐索言之。憤疾之戒，敢不題於。

賀周叔韶書

屬疾再歲。在告半朞。憂從中來。老與衰併。聖恩寬疾。司命添齡。收錄疋殘。牽復嚴近。榮在顯表。毀集譽前。見月之牛。憚暑先喘。似檀之木。蒙伐恐殛。尙賴至仁。每亮孤蹟。未死而活。再造難酬。何圖列邸之英。緬懷適館之素。猥枉訊問。垂卹羈平。謬耳立言。欣著悚感。修門已入。旁資下些之招。窮鳥何知。冀奉永年之祚。官屏重奧。邦制謹嚴。通謁莫從。臨文難敘。

淮南知府龍圖書

比已奉訊。蒙賜教累紙。似與一介行人。遷次相差。詳味諄款。何顧卹厚而風誼重也。承以割愛。故引去劇任。然理有不可奈何者。達人須推遣之。抑絲懷無益之念。以完至和。此朋游所至。望淮南差近仙里。歲定俗安。聊棲偃以竚柄任。邇日苦寒。次舍尤宜護玉體。老夫塊然未還。黯戀皆極。謹此祇謝。

上賈相公書

盛暑歊溽。不審履用何如。惟太和優優。百順是適。屹山立而煦揚休也。祁卽日蒙恩外。所部州縣。蠲事稿事粗及什六七。澍澤未沾。然穀頗能早。仰賴美化。必冀有秋。塞候汜寧。盜賊不作。想台情深所怡恩。伏乞安適時令。垂副具瞻下情。叩叩。

淮南龍圖學士書

四帥府基布河渭。僕與足下相次假節而來。祕禁聯官。髮鬚均皓。今足下避劇就閒。全舍太和。卷藏大猷。更爲脂膏。雖哲人勇退。蒼生其謂何。承追薛南轅。行邁有日。老夫塊然未還。騷騷愴愴。可一二索言耶。次舍暴露。尤宜愛護眠食。且慮公議外迫。足下亦不得高枕自如。召節西走。光輔王室。此指紳素望矣。歸風之北。顙聽吉音。謹手啓奉違。臨紙不能盡。

觀文留尹尙書學士書

使人至。被書教。收卹諄勤。乃情銜佩。承燕居外百貺具宜。茲固天輔仁而神介福也。祁乘郛四年得罷。又令待罪西南。自謂才則衰暗已試。自言不才。卽涉憚行。婆娑冒寵。尤用慙汗。已止三城。一觀公序丞相。宿夕蓬累當西。冀因緣舊恩。擁笏門下。盡區區之素。

修汪唐公學士同年書

祁到闕下殊匆匆。聞還臺。欲一望顏色。訖不如素。又蒙幸臨。復失走迎。逮今悵悵。唐公婆娑方多歷年。乃今夾螭珥筆。始否終傾。大慰士望。千萬攝護。安服寵名。爲斯文大廈。冒殘臘西走。諸況自如。白髮據鞍。非叱馭時。自愧而已。

曾參政書

前已敍別。伏蒙手教。訓撫周悉。羈褫之危。差得自安。然去城闕。違親戚。惘惘不能無別離意。此自長年常

情所不免。至于進退大分。則坦然付之于天。使舉而見排。何所沮。舉而見譽。何所喜。決不爲大鈞之深念也。所贊費禮過厚。謹用拜賜。不任感荷之至。

張中行屯田書

別已一朞。凡兩得訊。諄諄存教。有兼于常。某拙且愚。不能取合當世。不意足下箴警覆護若此。自顧亦未知以不肖無用見憐耶。或果萬有一可取。宜收之于朋友也。僕在屯已三歲。未得歸。然悉心于官。不敢遺力。人謂之是。僕亦不希進。人謂之非。僕固不卹退。年老意衰。惟待罷去日。乞身退從罷農。漫夫以養天年。僕旣自待如此。彼媚頗謗唇。又奚能輕重僕哉。中行知我深者。故及此。終不爲他人言也。相見未有涯。悵恨叵奈何。方春順愛。

上杜相公書

久不參訊。乃心愧惕。比春暖。屢用榮嘉。伏念違台坐凡五易年。寒下雖靜。臺然軍中亦匆匆相仍。不得頻走一介問左右。非敢怠。力不逮也。伏惟深賜矜寬。祁卽日蒙恩。公私粗如。但才短任劇。未克罷去爲憂。他非敢卹。敵君長新立。猜阻內訌。惟朝家未有意于乘弱攻昧。故列屯諸校得高枕云。相公與國休戚。輒此及之。趨侍未前。惟保御戢穀。進享萬年之遐。區區不宜。

上昭文相公書

祁忝學士一十二年。內外無黨助。孤立在朝。惟相公諒其本末。且生多病。性懦怯。恐不可久叨劇任。又天稟疎拙。不能附離權貴。邊境難測。雖百務俱辦。一事有失。則羣怒赫然。前勞併棄矣。況其本來文翰諸生。不習軍旅。今疆所不能。只恐敗國家事耳。身之褻黜。胡繫重輕。伏望相公矜憫。一介恐心極慮。不爲諂諛傾仄。素自安分。靡所覬覦。若早得罷歸。供職經筵。晚節之幸也。立功立事。請俟來哲。情素危迫。不敢之他門。惟至仁是歸。望賜矜哀。不宣。

宮師相公書

祁居塞下。匆匆閱日。奏記不時上。乃情爲勞。瞻跂台座。弗翅霄泥。然惟比日動止清宜否。某度河已三歲。踐更未有期。阻奉者明。情府悵咨。天佚元老。介壽無疆。搢紳所同願。

王尙書書

遞中得教諄諄。俄專使來。又慰存累幅。某病殘人也。曷以堪之。自六月苦痢。彌五十日。不克損。皮骨僅存。遂乞身使醫藥。蒙朝旨許還臺。君相更生之恩也。一二難道。方力疾就路。至仁果爾惻怛。年事遲暮。故爲百疾所陵。儻餘景可延。冀終託陶坏之末云。

三司侍郎書

近職方程員外還臺。輒具手訊。計其淹回。或未達省覽。比日動用何如。協氣回薄。想萬社之交舍云。繪真。

石刻今寄上十本。西人乃今知過。邁種德之有素也。去年頗稔。汔茲百價。抑而未昂。老拙歷賸。苟脫多罪。則賴明哲之裨幪。感愧感愧。氣序韶淑。千萬爲朝順愛。

兗州學士書

頃得二訊。殊解悵悵。屬久病。不克時答。果見誚讓。然地遠。必恐未始知之耳。某自蜀還。中熱胃氣虛滑。日飯半升。許不能盡。數月間。頓成衰翁。膚凍梨而髮紛雪也。入仲春。稍良愈。但羸弱未完。少于閣下。乃如此。固知蒲柳之不如松柏也。見索拙句。今且馳奉。成戚少惊。深惡椎鄙。諸賢得無笑僕乎。春序妍淑。公餘自愛。毋忽。

省判學士書

比奉教累紙。褒飾渠渠。非老夫所堪。愧戕無量。承榮侍外。職事修舉。且百福申介。太和揚休。茲君子所以豈弟也。祗到官下。已及半非。俗務與衰懷自爲函矢。勉奉條詔。逃祇悔而已。幸勿念開辭出疆。甚善。雍容朝廷。坐須延拜。何必走數千里之勤耶。歲晚順愛。悵悵臨紙。不能具百之一。矜照矜照。

吉大師書

去夏五月。自蜀留鄭。首得手教。具審少病。少惱。道體佳宜。遠靜。欣欣之至。日來殊衰疾。心厭蠶煩。惟閤儒篇梵典。不知勸。殆宿業使然。每懷清對。無緣一快語。勞生奈何。頃須叢編題辭。久欲附上。但不能得善便。

今且託郵置。未知果得鹿觀否。苟無沈浮。分一回字。拙思不足褒揚公所得。愧汗愧汗。

梓路提刑祠部書

枉教褒飾過實。非老夫所堪。第刻肺腑而已。閣下美德嘉譽。溢于傳聞。非待僕言而取重搢紳矣。然知賢之明。人所堪慕。已陟狀萬一言諸朝。正恐不韙。爲高明累耳。愧汗愧汗。

梓路漕使郎中書

帳下回得還教。諄複周縷。乃心釋然。承行府按察甫休。嘉此玉體和裕。屬部簿僅。人無瘠損。蓋至仁振濟之力也。樹德廣者報速。行躋禁嚴。以暢遠圖。千萬順時。副紳縷之跂竚。

畿內都運密學書

都外之別。乃今四年。前自毫得鎮。又自鎮移定。智短而責愈重。愈老而官益遠。婆娑窮障。凡再菲。賴上威撫有素。卽日斥候晏然。故僕得朝服坐黃堂。操簿書。責吏下期會。以塞官謗。然內手循衿。汗熱不自止。長懷貴交。無由一訴斯悃。比承敦迫還臺。會有詔取輔州建襄內漕餉劇總。君侯首之。側聞釋然。以爲雖未柄任。而經始要司。亦足儲民瞻。當帝心。而振典型也。方欲走書。舍咨下執事。而遞中被教。開慰粲然。詳味熟觀。知哲人一情于昵遠也。僕不佞。何足以堪。南北數千里。握臂無期。良食安步。無重勞勞。

魏侍郎書

不待且十年。其間雖因音驛一二附問。情企叢中。可勝道哉。執事茂功顯效。在南人口者。稱美不厭。方次補樞筦。以褒耆哲。今茲坐府。乃儲天意而熟民望也。惟寶用太和。安集善祥。副摺紳瞻禮。惓惓。

工部學士書

近已奉訊。想及觀省。蒙索拙句。抒獻一篇。塵衿涸思。叩不能應。聊取一噓云。計追尋使東。臘未破。當造南闕。僕雖稽留。然亦從而後耳。館次賒嶮。動用加愛。

梓路轉運王司勳書

素任風譽。晚諧贊謁。今者天與之幸。得通行臺。仰山執柯。尤用欣慰。惟馳傳雲棧。得無少勤。初總使權。百目修舉。幸冀沖用和粹。以副眷求。懇懇。

轉運學士書

徑曉峭。歷岡陵。走眉還益。方初暑。服膳尤難護視。加鞍馬之勞。得無憚煩耶。然勞一躬爲數州主人福。賢者所以兼濟于下也。況含德之厚。多福必臻。且暮冀瞻履綯。餘不盡道。

歐祕丞書

得書。具曉一二。聞郡尤僻陋。不容屈致雅才。但卑飛者鷹隼。所以將擊也。宜擯外景。充內和。以須滿歲。別享榮名。僕所祈者。幸悉。

致工篆人書

辱書論篆意甚悉。僕患世人不知六書矣。書之學出于聖人。決揚于王廷。百官以治者。書契也。仲尼見泰山封禪者七十有二家。文皆不同。安得謂仲尼不治書耶。子雲持三尺素未央庭中。以集訓纂。復作奇字。子重爲說文解字。以佐孔氏。伯喈自爲三體。勒五經于太學。今之視揚許蔡。若高山然。未聞以善書爲貴也。足下自謂工篆。而自知六書。抑揚其意。則可。若曰恐世人指以爲藝。胡自信不厚耶。工篆而不知意。藝也。待詔于翰林者是已。工篆知意。儒者學也。揚許蔡常兼之矣。足下胡不曉人之未曉。反以人之不曉而自晦其曉耶。后夔爲伶人。伊尹爲饔人。足下必怪且囁。胡明于此而未燭于彼歟。自唐室學廢。諸儒搦管者。雖題部點畫。不復能別。逮今百年。經僞史駁。僕比不自揆。與葉道卿建言于朝。欲以九經刊石。用篆隸二體。檢正僞。駁其不與文合者。以救流蕩之失。幸上開許。俾之卒業。足下又倡藝自惑。是欲助人之醉而恩僕醒也耶。今人不知六書。非不好也。蓋未有以告之云耳。文王嗜昌歆。習之者蹇頡。三年巨能嘗之。萬一使石經之成。流布宇內。數十年後。蹇頡者皆張頤澤吻。嗜爲佳味。何藝之鄙乎。願勿爲疑。審能正羣經之文。以垂礪琬。僕方磨研執筆。從足下游矣。匆匆答報。不悉。

